



Gutbai Oseah Philemon(OP)



Moa stori long pes 3...

Ol Post Courier meri i sanap long sait bilong kofin bilong wan wok bilong ol na biknem long midia, Oseah Philemon, OBE(OP) long taim bilong Funerel Sevis bilong em long Sioni Kami haus lotu long Pot Mosbi. *Poto Nicky Bernard.*

Midia na kantri i lusim gutpela lida na niusman

Veronica Hatutasi i raitim

GUTPELA niusman i gat biknem na lida long midia insait long PNG na Pasifik rijon, i gat daun pasin,

sempion long fridom bilong pres o ol niusman, gutpela famili man we i hat long painim narapela long kisim spes bilong em, em ol toktok i bin kamap insait long fu-

nerel sevis bilong Oseah Philemon husat i bin dai long Sarere Desemba 24, 2016.

Planti wanwok, ol poroman, famili na hauslain i bin kamap long

Sioni Kami Mermoriel Sios aste long selebretim laip bilong Oseah o OP olsem planti long midia na ol poroman i save kolim em, em biknem niusman na Edita in Sif bi-

long Post Courier niuspepa moa long 20 krismas.

I go moa long pes 2



Wasa Rice 200g Em Skel Ya



GROWN FOR THE PEOPLE OF PNG

Gavman i mekim baset bilong infrastraksa, Lupari i tokaut

INFRESTRAKSA developmen bilong APEC 2018 em ol i bin mekim baset pinis long yia 2013, Sif Seketeri, Isaac Lupari, i tokaut.

Dispela em i tok klia we Lupari i bin toktok long ol memba bilong Diplometik Komyuniti, we ol tu i representetiv bilong ol 20 ikonomi.

Sif Seketeri i tok, infrastraksa developmen em i wanpela namba wan hap bilong gavman long lukluk long en na long dispela as tingting, Gavman i mekim baset pinis.

"Yu bai lukim rot netwok long Pot Mosbi i kamap



Sif Seketeri Isaac Lupari

namba wan tru," Lupari i tok. "Mipela i save olsem

mipela i gat sampela toktok na kisim ol lida i go long haus bilong ol na long dispela as tingting, ol i bin kamapim flai ova rot bilong ol i ken isi long i go kam.

"Mipela tu i wok bung wantaim ol praivet sekta bilong akomodesen na mipela i wok bung wantaim Nesanel Kapital Distrik Komisin long strong olsem Ela Nambis em i hap ol bai developim.

"Na tu, mipela i investim long ol trening bilong ol pipel bilong Papua Niugini na sampela

gutpela risal i kamap em mipela i go pas long ol bung na gem long kantri."

Sif Seketeri i tok, long 2017, Gavman i basetim K250 milien bilong APEC 2018.

Em i tok moa olsem, Gavman bai painim sampela rot givim moa mani, sapos i gat sampela nid i stap na ol i nidim moa mani.

"Gavman i givim moa taim long APEC 2018," Lupari i tok namba tu taim.

"Mipela i wok bung wantaim ol pablik na praivet sekta bilong ol i ken wok klostu long kamapim APEC 2018."

Ol gavman dipatmen bai hostim dedikesen sevis bilong ol pablik sevan

OL bai hostim wanpela dedikesen sevis bilong ol pablik sevent long namba wan taim, we Dipatmen bilong Komyuniti Developmen, Yut na Rilijon i go pas long dispela.

Preia dedikesen de bilong ol pablik seven bai kamap long Fraide, Januəri 6, long Sione Kami Memorial Sios long Pot Mosbi.

Sif Seketeri, Isaac Lupari, olgeta het bilong ol dipatmen bai stap wantaim long bung long opim nupela pablik sevis yia.

Program bai stat long 9 klok moning we ol Koreksenal Sevis ben bai go pas long singim Nesanel Entem na Plej bilong kantri.

Lupari bai tok aut long Tok Promis bilong pablik sevis bipo long Pasta Philip Vaki bai go pas long dedikesen prea.

PM i wari long pasin bilong ol disiplin fos

PRAIM Minista, Peter O'Neil, i toktok long ol disiplin fos olsem, sapos yupela i no laik long lukautim kantri bilong yupela wantaim amamas em yupela i ken lusim fos.

"Sapos yu i no lukautim yunifom bilong yu wantaim amamas em yu no gat rait long putim yunifom," PM i tok.

Toktok bilong PM i kamap bihain long ol i bin ripot olsem i gat pait kamap namel long ol PNG Difens Fos na Polis long Nu Yia.

Em i bin givim wanpela dareksen long disiplin fos bilong kantri long strongim 'wan-straik na yu bai aut' polisi long ol pasin i no gutpela.

"Ol pablik i laikim ol sevis pesonel long wok gut na



PRAIM Minista, Peter O'Neil

planti ol yangpela man na meri i laik joinim ol fos," O'Neil i tok.

"Mi bin kisim ripot long asua i bin kamap long Boroko long las wiken em i bikpela wari.

"Nau em i wok bilong ol rait komanda long mekim

wok painim aut na mekim strongpela eksen egensim ol wan wan husat i brukim lo na bagarapim kod bilong sevis bilong ol."

PM O'Neil i tok, Gavman i yusim bikpela risos long strongim ol disiplin fos.

"Long ol 5-pela yia i go, mipela i karim aut ol trening program, kamapim gen ol sevis haus na nem bilong ol disiplin fos em mipela i strongim.

"Pablik i gat bikpela bilip long Polis, Difens na Koreksenal Sevis bilong mipela na mipela bai no inap lukim ol liklik namba husat i gat tingting no gut i bagarapim dispela.

"I gat sampela wan wan husat i bin stap bipo em ol i no bin wok gut na ol i bin

rausim ol long disiplin sevis long ol yia i go."

Praim Minista i laikim ol yangpela man na meri long joinim ol wanpela bilong ol tripela disiplin sevis.

"Mipela i go het long rikrutim moa pipel long Polis, Difens na Koreksenal sevis.

"Mi laikim ol yangpela pipel bilong Papua Niugini long lukim ol sans bilong wok wantaim ol disiplin sevis, long lukautim kantri na kisim ol skil bai lukautim yupela long olgeta taim.

"Taim kantri bilong yumi i develop, ikonomi bilong yumi i kamap orait na ol komyuniti bilong yumi i ken kamap seif, disiplin sevis bilong yumi bai go het long impruv na lukautim kantri wantaim amamas." Praim Minista i tok.

Kot siting i kamap long nupela fesiliti

NUPELA Waigani Distrik Kot Haus ol i bin wokim long sait bilong Nesanel Laibreri em nau ol i yusim.

Ol i bin muvim ol wok bilong harim kot long nupela haus long las mun na namba wan kot siting bilong 2017 i bin kamap long Tunde.

Nupela fesiliti i gat 4-pela kot rum na wan sel blok bilong ol man na meri husat bai stap insait long kalabus, na em i wanpela samting we bipo distrik kot haus i no gat long en.

Ol bai yusim dispela kot haus insait long liklik taim bipo long ol bai wokim wanpela 4-pela stori distrik kot haus long yia 2020.



Nupela Waigani Distrik Kot Haus

Midia na kantri i lusim gutpela lida na niusman

I kam long pes 1...

Pasto bilong Reveren Sioni Kami Memorial Sios i tok "Oseah i mekim gut tru long wok olsem jenelis insait long PNG Midia indastri na i gat gutpela nem we bai stap long longpela taim bihain long em i dai na go pinis.

Wanpela lain long Buk bilong Solomon we Pasto i autim em, "Gutpela nem i moa gutpela na winim smel bilong pefum" em i glasim wantaim nem, wok na laip bilong OP.

Jenerel Menesa bilong Post Courier, Frank Genaia, i ritim laipstori bilong OP i bin tok OP i bin kamapim nupela mak long lidasip insait long midia na Post Courier i pilim bikpela hevi long dai bilong em.

Em i tok OP i wanpela long ol namba wan lain jenelis bilong PNG husat i bin lainim na kisim ples bilong ol ausait lain na em i bin wanpela long tripela PNG rijonal ripota we ol i bin salim long wokim trening bilong ol long Australia taim em i wok wantaim Dipatmen bilong Infomesen na Ekstensen Sevis (DIES) bihain tasol long PNG i kisim independens.

Bihain, OP i bin wok wantaim ABC we i bin kamap NBC bihain long PNG i kisim independens.

Bihain long tupela o tripela yia wantaim NBC, OP i bin joinim Post Courier na kamap Edita bilong niuspepa na holim dispela posisen long planti yia tru we planti ol yangpela nius man na meri i bin kisim gutpela skul long en.

"Em i laikim tru wok bilong em na kantri wantaim na Morobe we i asples bilong em i mas praut olsem wanpela pikinini bilong em i kamap wanpela bikpela lida olsem," Mista Genaia it ok.

Em i tok Post Courier i bin kisim em bek long las yia long helpim ol long wok bilong 2017 nesanel ileksen.

Pikinini meri bilong em, Ludwina i bin tok "papa bilong mi i bin pait long ol samting we em i bilip long en.

"Em i gutpela papa, bubu, tambu na kandere long ol famili na hauslain na wanpela. Em i gat bikpela laik pasin we em i soim long ol bubu bilong em na mipela bai misim em," Ludwina it ok.

Pastaim bos bilong PNG Difens Fos, Brigidia Jenerel Jerry Singirok i gutpela pren bilong OP na ol i bin wok wantaim long :gans Kontrol Komiti i bin tok "OP i bin biknem na gutpela ripota husat i gadien bilong namba 4 pila bilong demokrasi we i ol lida i save kam aninit long glasim."

OP i bin kisim luksave long Kwin na kisim OBE awot long wok bilong em long sevis bilong midia i go long komyuniti na kantri.

Em i holim ol bikpela posisen long planti oge-naisen insait long kantri na Pasifik rijon.

DAL salensim CIC bod long kirapim bek kopi indastri

James G. Kila i raitim

OL DAIREKTA bilong Kopi Indastri Koporesin i kisim bikpela salens long bringim bek gutpela wok na kirapim bek indastri olsem em i bin stap 20 yia bipo.

Ekting deputi Seketeri Polisi na Plening long Dipatmen ov Egrikalsa na Laipstok, Joe Kendiga i givim dispela salens long las mun taim tupela nupela bod dairekta bilong CIC i tokaut long provins long wok bilong ol long Goroka, Isten Hailans provins.

Kendiga i tokim ol CIC bod dairekta olsem ol i mas mekim wok bilong stret bikos prodaksen



CEO bilong CIC Charles Dambui i givim toktok long Goroka long las mun.

bilong kopi long PNG i go daunbilo

tru na nogut inap gutpela helpim i go daun long ol liklik fama long ples na haus-lain.

“Yumi mas putim intres bilong yumi wan wan na tu politik long sait na yumi mas wok bung olsem tim long kirapim bek kopi indastri olsem taim em i stap 20 yia bipo,” Mista

Em i tok ol CIC dairekta nau i gat save long bisnis bilong kopi tasol ol mas noken pilai politiks tumas. Ol i mas wok bung wantaim na sapotim DAL long toktok long gavman long wanem sapot indastri bai kisim long muv go fowat.

Mista Kendiga i makim DAL seketeri long givim toktok bilong

em dispela taim long tok welkam long tupela dairekta bilong CIC. Tupela nupela dairekta bilong CIC husat i mekim tok promis bilong ol las wik em Jack Kulam, husat i makim Westen Hailans provins smolholda kopi groas asoesin (SHCGA) na Peter Hawii, husat i makim Sauten rijon SHCGA. Tupela dairekta i bin mekim tok promis bilong ol fran long Isten Hailans Sinia Mejistret, Gerald Vetunawa.

Dispela seremoni we i bin kamap long Goroka i lukim 8-pela arapela CIC bod dairektas i stap. Sif Eksekutiv Opisa bilong CIC, Charles Dambui tu i bin stap long seremoni

wantaim Jeneral Menesa Indastri Operesins bilong CIC, Steven Tumae na CIC Kampani Sekreteri,

Long nau yet em 10-pela memba bilong CIC bod i givim tok promis bilong ol pinis. Tupela memba bilong bod husat i no mekim promis bilong ol yet em man makim Dipatmen ov Komes, Tred na Indastri na man makim Treseri.

CIC CEO, Mista Dambui long toktok bilong em i tok CIC bod na menesmen i ken wok gut taim wanem disisen ol i wokim kamap bai givim gutpela helpim long moa long 2.5 milien kopi famas na ol stekholda insait long kopi indastri.

Ol bikpela jenelis i dai na lusim bikpela spes

MIDIA Kaunsil bilong Papua Niugini (MCPNG) i save wok strong long holim profesenel standet insait long midia indastri, wok wantaim gutpela pasin long ol tok bilas i save kam long indastri na em i save makim maus bilong indastri i save autim toktok bilong wok bilong en.

Presiden bilong MCPNG, Alexander Rheeney i toktok long dai bilong bikpela nem nius ripota na pastaim edita bilong ol niuspepa, Susuve Laumaea na Oseah Philemon.

Em i tok dai bilong tupela man i lusim wanpela hol gen long gutpela pasin bilong holim ol gutpela standet bilong wok jenelis nae m bai bringim sampela hevi long midia indastri long Papua Niugini.

Mista Laumaea na Mista Philemon i putim bikpela mak antap long wei bilong raitim ol pablik komentri we i save sut stret long ol rong pasin i save kamap.

Tupela i no save surik long raitim trupela tok stret long wok taim bilong tupela long Post-Courier na The National .

Mista Rheeney i tok jenelis wok long PNG i bin wok long flai antap na dispela wok i winim bel bilong ol sitisen taim tupela olgeta jenelis i bin stap long yangpela laip wok jenelis.

“Susuve i bin was gut long lukim



GUT TAIM BIPO: Dominic Krau, Susuve Laumaea (retpela sekol banis), Memba bilong Mosbi NotWest, Hon. Michael Malabag, John Paska, Eka, na Eric Kone long Midia Pul Kompetisen long Lamana tupela yia i go pinis. Wantok fail poto

olsem Somare gavman i no abrusim ol stretpela toktok long ol pablik polisi na ol hevi we ol pipel i bungim bikos long wok paul bilong gavman.

Wok bilong em i save mekim na ol opis long Waigani i save mekim wok long ples kli na tok tru i save stap long ol toktok bilong em long wei bilong gavman polisi long

kamapim trupela developmen bilong ol sitisen,” Mista Rheeney i tok.

“Oseah Philemon i kamap tumbuna bilong wok bilong em long Post-Courier olsem edita na bihain olsem sif edita, i stap inap em i lukim wok jenelis i kamap lapun wantaim olupela niuspepa bilong PNG.

Em i save go pas long skelim ol nius na lidasip bilong em long Lawes Road i kamapim gutpela save na stail bilong ol jenelis husat i bin wok aninit long em, na ol tu i go antap na kisim biknem bilong ol yet.”

Mista Philemon i bin wok 20 yia wantaim Post-Courier we 15 yia olsem edita na sif edita bilong

niuspepa. Em i bin stap olsem MCPNG presiden long taim bilong em i stap strong long niuspepa jenelis wok.

Tupela lapun bilong wok jenelis i gat gutpela stori ol i lusim bihain long wei bilong mekim wok wantaim gutpela na strongpela tingting na i no inap surik long tokaut na tok stret.

Mista Rheeney i tok wanem samting tupela i lusim nau i stap long han bilong ol lain husat i stap yet long dispela wok long ol i mas kisim na go het wantaim.

“I gat ol jenelis long kain kain midia ogenaesen husat i wok wantaim ol aninit long Susuve na Oseah na ol i save long wanem kain standet we tupela olupela jenelis i save putim mak long en na ol i save holim dispela mak i stap long taim tupela i stap strong yet long wok jenelis. Nau em i taim bilong nupela jeneresen bilong ol jenelis long kisim dispela salens na go het wantaim gutpela standet.”

Mista Rheeney i tok Midia Kaunsil PNG wantaim ol eksekutiv i bungim maus wantaim ol memba bilong midia indastri long stap sori long dai bilong Mista Laumaea na Mista Philemon na em i salim tok sori bilong ol i go long ol famili bilong tupela na ol pren na wantok na ol wanwok bilong tupela.

BSP PERSONAL LOAN
Visit your nearest **BSP Branch** today to apply.

- ✓ 100% unsecured loan
- ✓ Loan up to K50,000
- ✓ Flexible repayment terms
- ✓ Quick approval

Back to School is easy with a BSP Personal Loan

WE ARE BSP

www.bsp.com.pg

Bikpela tingting bilong 2017

— Sif Sensa

OLGETA yia Opis bilong Sensasip i save bungim planti salens na olgeta yia Opis bilong Sensasip i save mekim ol dispela salens i kamapim gutpela wok na long wankain taim yet em i save wok long kamapim ol nupela wok mak.

Long las yia 2016, Opis bilong Sensaip i bin gat tripela bikpela objektiv o tingting bilong mekim wok we em i bin kamapim isi, isi inap ol i pinisim yia. Ol dispela objektiv em long:

1). Skelim ol pawa bilong Sif Sensa i go daun long ol rıjon na provıns; 2) Wanpela pepa bilong kamapim toktok bilong Intenet Filtering o Sekim ol internet 3) Kamapim wanpela Awenes Strateji o plen.

Namba wan bikpela wok em long kisim ol bikpela tingting i go insait long yia 2017 na namba tu wok em long kisim tok orait bilong

Nesanel Eksekutiv Kaunsil na namba tri em i pinis na i wok long wetim tok orait bilong long menesmen pastaim long ol i ken yusim ol dokumen long ol program plening na polisi implementesen.

Antap long dispela. Opis bilong Sensasip bai kisim moa wokman na wokmeri long yia 2017, bihain long ol i kisim tok orait long nupela straksa long larim ol opisa i ken mekim wok gut.

Sipa Sensa i tok, em i gat bikpela tingting long lukim dispela opis i gat saveman na meri long mekim ol kain kain wok bilong opis maski i gat sampela hevi i stap yet olsem gavman i sot long mani long tilim i go long ol ejensi long mekim ol wok.

“Wantaim gutpela tim bilong ol yangpela man na meri i stap we i redi oltaim long mekim ol wok bilong ol, mi gat strongpela tingting olsem dispela ogenaisesen i



Sif Sensa, Steven Mala

stap long gutpela han.

Mi ken toktok yet tasol mi ting samting mi laik toktok em ol toktok pinis.” Sif Sensa, Steven Mala i tok.


Timwok, Patnasip na Rispek em ol bikpela samting insait long wanpela ogenaisesen we i wok long gro yet na

mi amamas long tok olsem mi lukim ol dispela kain pasin i stap insait long Opis bilong Sensasip na mi gat strongpela bilip olsem Nupela Yia 2017 bai kamap gutpela yia bilong yumi olgeta!” Mista Mala i tok.

ELC-Yabim Distrik Konpren 102 Kamap Long Mapos ... Makim nupela presiden

Paulus Tali i raitim

EVANJELIKEL Luteran Sios (ELC PNG) Buang Seket i bin lukautim namba 102 Yabim Distrik Samsega o konpren las yia long Simbruk Kongrigesen long Mapos Peris. Kamap bilong ol kristen long samsega i lukim moa long 2,500 deliget i kam long ol 14-pela seket bilong Yabim Distrik.



Nupela Presiden, Reveren Yasam Aiwara.

Long Samsega ol Kristen i bin toktok olsem distrik i mas kamapim plen staksa na karim moa wok Gutnius.

Kam daun long seket, peris na kongrigesen level, nau yet, wok Gutnius i no strong tumas, na planti Kristen i no sanap strong long bilip bilong ol.

Wan wan seket, peris na kongrigesen i karim aut wok sios, tasol hevi olsem ol hetman, yut lida wokmeri i no karim aut tumas wok misin long daunim ol kain kain hevi.

Long samsiga 102, ol Kristen i laikim wok Gutnius i mas go het moa long strongim bilip bilong ol Kristen bilip manmeri.

Konfrens i bin kamap long eria bilong Memba Sam Basil husat em i lida bilong Pangu Pati.

Mista Basil i tok amamas tru long ol Kristen bilong Yabim Distrik i kamap long bung long ples bilong em long Mapos Peris.

Em i tok em i laikim yumi mas sanap strong long karim wok Gutnius.

I bin i gat ileksen bilong Yabim Distrik Presiden na Gutnius Dairekta we ol i makim Reveren Yasam Aiwara i kamap nupela distrik presiden, na Reveren Elisha Didi olsem Gutnius Dairekta.

Namba 103 Yabim Distrik konpren bai kamap long Aseki Seket.

Esa'ala Distrik stretim ol helt sevis

Nıus i kam long DIRD Midia

ESA'ALA Distrik long Milen Be i bin kamapim planti wok long helt sevis wantaim mani bilong Distrik Sevis Impruvmen Program bilong O'Neill-Dion gavman.

Insait long lukluk raun bilong ol opisa bilong Dipatmen bilong Implementesen na Rurel Dıvelopmen long pinis bilong yia 2016, ol i bin lukim planti helt etpos, helt sub-senta na helt sevis i senis wantaim ol narapela sevis.

Distrik i bin kirapim tu wanpela volantri bes trening senta, aninit long Salamo Skul ov Nesing long ol Viles Bes midwaif long helpim ol mama i gat bel long karim bebi gut na i no ken dai wantaim kain kain hevi long taim bilong karim.

Dispela program em i gutpela tru bilong ol mama we i stap insait long ol bus na maunten ples we i no gat rot bilong kar, balus o bot long go. Ol midwaif i



Sehulea Sab-Helt Senta Leba na Mateniti Wod o haus bilong mama karim bebi – projek i wok yet.



Nupela Sobulasi rurel etpos haus we i kamap long DSIP gren mani. Ol foto: Samson Kenderman.

save helpim ol mama long karim gut ol bebi long olkain hap olsem. Wantiam dispela kain trening, namba bilogn ol mamana bebi i dai

long taim bilong karim em i go daun liklik. Tasol maski ol dispela kain hevi i stap, Esa'ala distrik i kamap namba wan yet antap

long ol narapela distrik long Milen Be provıns na tu long olgeta hap bilong PNG. Dispela luksave em i bin kamap long Nesanel

Dipatmen ov Helt Simposium o miting we ol i tokaut olsem Esa'ala distrik i kamap namba wan.



Wantok nıuspepa i laikim ol eijen insait long Madang, Kimbe, Kundiawa, Wewak, Jiwaka, Tari, Kiunga, Tabubil, Daru, Kerema, Manus, Kavieng na Alotau long salim nıuspepa bilong mipela.

Mipela i laikim ol Eijen long distributim nıuspepa long dispela ol ples antap hariap tru!

Sapos yu ting yu em rait man o meri long dispela wok, ringim Sekulesen Supavaisor bilong mipela long Fon: **325 2500** o email i kam long: **lbents@wantokniuspepa.com**

ExxonMobil sponsaim top sumatin awod

ExxonMobil PNG Limited (EMPNG) i sponsaim awod bilong ol namba wan sumatin bilong ol skul long we ges projek bilong em i stap.

Dispela ol awod i bilong ol sumatin husat i mekim gut long skul long pinis bilong 2016 skul yia long ol skul i stap long Hela na Sentral provins.

Ol awod i go long ol sumatin i stap long pri-skul i go inap long hai skul na inapim 24 ol skul i stap long dispela ol hap.

Ol i kisim ol stesinari, em ol samting bilong lain olsem buk, pensil, pen, folda na diksinari. Ol

i kisim tu ol stesinari vautsa long EMPNG.

ExxonMobil i tok ol i givim presen long ol sumatin long kirapim tingting bilong ol long lain moa.

Kampani i tok ol i bilip long edukesen long wanem edukesen i save strongim kamap bilong sosel na ikonmik developmen long sosaiti na kamapim gut laip bilong ol manmeri.

"Mipela i bilip edukesen i konaston bilong bihain taim bilong Papua Niugini na bai strongim kantri long ol taim i

kam," ExxonMobil PNG Komyuniti Developmen Sapot menesa Sisa Kini.

"Ol pikinini em ol lida bilong bihain taim na long redim ol gut i bikpela samting.

"I no gat narapela ples na taim long ol i gat sans long tren moa long taim ol i stap long skul," em i tok.

Kini i tok amamas long ol namba wan sumatin na olgeta sumatin husat i pinis skul long dispela taim.

Het tisa long Porebada Elementari Skul het tisa Kaia Taumaku i amamas na tok tenkyu

long kampani i givim sapot long skul.

"ExxonMobil PNG oltaim i save sapotim ol skul long ples bilong mipela na olsem em gutpela poroman bilong mipela," Misis Taumaku i tok.

Wankain ol tok amamas i kam long ol sinia na het tisa bilong arapela skul long projek eria.

EMPNG i save sapotim ol skul long we em i save stap na wok long em stat long 2010 I kam na skruim yet dispela pasin bilong em.

Kampani i tok Dispela em long kamapim kwaliti edukesen.



(rait han) Exxonmobil Komyuniti Developmen Sapot menesa Sisa Kini i givim awod i to go long wanpela top sumatin taim Porebada Elementari Skul het tisa Kaia Taumaku i lukluk. Poto: ExxonMobil

Save na Mekim

Sapta 2

...moa yet long hap 1 (Tapiok)
Kaikai bilong givim strong

TAPIOK (MANIOK)

MEKIM WANEM LONG TAPIOK

Long lip bilong tapiok I gat planti samting bilong helpim bodi I kamap bikpela (ol saveman I kolim protin). Olsem na nupela lip tapiok em I gutpela kaikai bilong kakaruk.

Katim I go liklik na givim. Em I gutpela kaikai bilong pik tu. Tasol sampela pik I no save long em. Olsem nay u mas lainim pik long kaikai lip tapiok taim em I yangpela yet.

Em I gutpela kumu bilong man tu. Tasol planti manmeri long Papua Niugini I no save yet long dispela.

Kaikai bilong tapiok em I gutpela long man na abus I ken kaikai. Yu ken kukim olsem kaukau (tasol tingim tok bilong rausim pait, lukim long hapsait, mipela bai I putim). Yu ken skrapim na kukim olsem skrap taro tu.

Long faktori ol I save wokim plaua long tapiok. Ol I save wokim kaikai bilong abus tu. Long lip bilong en tu. Ol I save mekim drain a brukim I kamap paura na tanim wantaim kaikai bilong abus. Stik bilong tapiok tu I gat wok. Ol I save brukim na tanim wantaim glu na I kamap wanpela kain plang olsem plai-wut o mesenait.

Skrap tapiok wantaim banana

Ol sumatin meri long Rabaul Seketeri koles I lainim mipela long dispela rot. Planti meri bilong ples I save pinis. Kisim samting olsem: Tapiok na gris kokonas na banana mau.

Wokim olsem: Skrapim tapiok na grisim long kokonas. Kapsaitim antap long hap plang, krungutim I go daun na I karamapim plang.

Memeim banana mau na putim antap long wanpela hap bilong tapiok. Orait, kisim narrapela hap tapiok na karamapim banana mau.

Wokim olsem pinis, orait, karamapim long lip banana na mumuim o kukim long stov. Was gut na kukim tru, na marasin nogut bilong tapiok I mas aut olgeta.



BOOK ONLINE NOW & PAY LATER

within 48 hours at your nearest Air Niugini Sales Office.

Call Toll Free on **180 3444** or contact your nearest Air Niugini Travel Centre or Travel Agent.

Minista bilong Australia testim switpela bilong Hailans



Hani prodak bilong Niugini Fruts.

AUSTRALIA Minista bilong Intenesenel Dvelopmem na Pasifik, Seneta Concetta Fierravanti-Wells i bin go lukluk raun long Hailans Honey Produsa, Niugini Fruts long las mun taim em i bin kam raun long Papua Niugini.

Niugini Fruts, i kisim sapot bilong Australia Maket Dvelopmem Fasiliti (MDF), long helpim long kamapim gen wok bilong lukautim ol binen na long kamapim gut hani prodaksen na givim moa veliu long kantri. Dispela lokal kampani i save wok insait long hap tru bilong lukautim ol binen, wantaim 95 pesen bilong wok bilong binen em long lsten Hailans provins.

Dispela bisnis i save baim hani long ol lokal binen fama. Ol i save rausim ol wax na ol narapela pipia na bihain ol i save karamapim aninit long bren nem bilong en, Highlands Honey.

Seneta Fierravanti-Wells i tok sapotim Veliu Edisen wok em i namba wan samting long sas-tenebel ikonmik gro bilong Papua Niugini.

“PNG i gat bikpela hai kwaliti samting na em i gutpela long lukim olsem ol bisnis olsem Niugini Frut i wok long mekim nupela wei bilong splaim hani long ol lokal maket.”

“Australia i amamas long wok patnasip wantaim Papua Niugini long sapotim praivet sekta we i save wok wantaim olgeta lain long groim ikonmi,” em i tok.

I gat planti salens i stap yet long hani prodaksen long Papua Niugini. Olsem 15 pesen tasol bilong hani long maket em i kamap long PNG stret na planti narapela em ol i kisim long narapela kantri i kam insait. Wok bilong kamapim hani i save painim hevi long hai kos bilong ikwipmen, salens long kisim ol gutpela infomesen bilong moden beekeeping wei na moa long ol binatang i save bagarapim wok.

Sally Watson, Dairekta bilong New Guinea Fruits, i bin ranim bisnis inap long 6-pela yia. Em i tokaut long wok kamap long mekim bisnis i go bikpela na long ol nupela sapot em i kisim long kamapim gut hani bisnis long Australia Maket Dvelopmem Fasiliti.

“Wantaim sapot bilong MDF, mipela inap long kamapim strongpela wok bung wantaim ol beekipa na wantaim ol trening bai ol inap long kamapim gutpela kwaliti na kwantiti bilong hani,”



Seneta Concetta Fierravanti-Wells lukluk raun long Goroka billum meri wantaim Menesing Dairekta bilong ol Florence Jaukei Kamel.

em i tok.

“Mipela i laik lukim hai kwaliti, lokal hani i resis wantaim ol hani we i kam long narapela kantri, long ol stua long Pot Mosbi na long arapela hap bilong kantri. Wok bilong helpim ol liklik beekiping fama divelopa na produsa hia long hailans provins, na long mekim ol narapela lain i laik long kam insait long kamapim hani em i namba wan samting,” em i tok.

Maket Dvelopmem Fasiliti em i wanpela praivet sekta divelopmem program we i kisim mani long Australia Gavman wantaim patnasip bilong Gavman bilong Papua Niugini.



Seneta Concetta Fierravanti-Wells lukim ol kopi sampel.



Seneta Concetta Fierravanti-Wells i stap wantaim ol patna bilong Niugini Fruts; Australia Maket Dvelopmem Fasiliti; beekiping ekstensen opisa na ol lokal beekipa.



Nupela composing toilet long ples Sipaia we ol i wokim long Bower Studio bilong Melbourne Yuni- vesiti long 500 pipel long Sipaia bai yusim.

Gutpela toilet bai daunim sik

GAVMAN bilong Australia i wok long long helpim yet ol rurel komyuniti long kamapim gutpela helt bilong ol wantaim ol gutpela kain stail toilet.

Klostu long pinis bilong yia 2016 ol pipel bilong ples Sipaia long Morobe provins i bin amamas long opim tupela nupela kain toilet long kamapim gutpela senitesen we bai inap long pait na daunim ol sik we i save kamap long ol doti wara long ples.

Australia Gavman i putim mani aninit long Dairek Eid Program long Yuni-

vesiti bilong Melbourne i kamapim nupela kain toilet ol i kolim long 'komposting toilet' na wantaim sapot bilong Papua Niugini Australia Alumni Asosiesen, Lae Saptu, Lae Rotari Klap na Sipaia komyuniti ol i kamapim namba bilong ol nupela komposting toilet long tripela pastaim na nau ol i gat 5-pela.

Ples Sipaia i lukim planti bikpela hai wara we i rausim ol wesana i go na solwara i go insait long ples na kisim ol haus.

Dispela ol hai wara i bringim

bikpela sik i kamap long ol doti wara olsem daeria o pekpek wara na disenti insait long Sipaia komyuniti.

Ol nupela komposting toilet em i save brukim ol pekpek antap long wara mak, na i no save larim doti bilong pekpek i go insait long ol hai wara. Dispela bai stopim sampela binatang bilong karim sik na bai helpim helt bilong ol pipel long stap gut.

Insait long projek, ol komyuniti i kisim trening long wokim ol toilet na wei bilong yusim ol pawatul we bihain taim

bai em i helpim ol long wokim moa projek.

Long taim bilong opim ol toilet, Australia Hai Komisen Fes Seketeri, Emily Luck i mekim luksave long wok bung bilong olgeta patna.

"Em i gutpela long lukim gavman, bisnis na komyuniti i wok wantiam long kamapim gutpela senitesen na daunim ol bikpela sik i save kamap long ol doti wara. Dispela projek bai kamapim gutpela helt long ol wan wan man na meri na famili long planti yia yet bihain," Fes Seketeri, Luck i tok.



Insait bilong nupela Komposting toilet.

MV PACIFIC LINK helpim 40,000 sik lain

YWAM Medikal Sip, MV Pacific Link wantaim ol volantia bilong en i bin selebretim pinis bilong gutpela wok bilong ol long Madang na Is Sepik Provins wantaim gutpela namba bilong ol pipel i kisim helpim long heltkea sevis.

Long yia 2016 MV Pacific Link i

bin bringim moa long 71,000 heltke sevis long moa long 40,000 piple insait long 125 viles long tupela provins.

Ol i bin mekim ol wok olsem imusaisesen, matenel helt sevis, dentis sevis, ai kea, helt promosen, na ol trening sapot long ol helt

woka long ples. Ol i bringim sampela patnasip wantaim provinsal helt atoritiri, lokal helt wokman na wokmeri na ol narapela stekholda.

"Mipela i kamapim sampela gutpela rilesensip na patnasip wantaim planti piple lon golprovins insait long yia. Em i gutpela long wok bung na strongim narapela,

long save olsem dispela em i stap bilong planti gutpela samting bai kam bihain.

"Taim mi tingim bek long planti tausen pipel mipela bungim long dispela yia, mi save tingim klia tru wanpela man bilong Tarawai Ailan husat i bin aipas inap long tripela yia.

"Bihain long wanpela gutpela operesen long Wewak Jeneral Haus sik sejen antap long MV Pacific Link, em inap long lukluk gen! Dispela man i gat bikpela amamas tru bihain long ol i rausim plasta long ai bilong em." Mista Curtis i tok.



Ophthalmology patient – Man i bilong Tarawai Ailan bipo i aipas tasol nau em i amamas long lukluk gen bihain long ai opresen.

MV Pacific Link na tim volantia.

O'Neill: Ikonomi stap strong yet

Paul Zuvani i raitim

MASKI long hevi bilong mani kantri i stap gut long 2016, Praim Minista Peter O'Neill i tok.

O'Neill i mekim dispela tok long nu yia toktok bilong em.

Em i tok bikos long liklik prais bilong ol bikipela komodi o samting olsem wel, ges, gol na kopa gavman i no bin kamapim inap mani long mekim ol wok.

Tasol em i tok dispela i no pasim gavman long kamapim ol bikipela progrem we em i mas mekim.

Em i tok long las 15 yia, kantri i lukim tupela gavman tasol. Bikos long dispela planti minista i holim yet wok bilong ol.



Praim Minista Peter O'Neill. Foto: Paul Zuvani

Em i tok dispela i kamapim stabiliti na i kamapim rispek long kantri long wol.

"Long dispela yia mipela bai holim nesanel ileksen maski mipela i gat kainkain politik, mipela bai go insait long ileksen olsem wanpela strongpela demokratik kantri," O'Neill i tok.

"Olsem wanpela kantri, mipela i ken kamapim planti samting."

Em i tok long 2018 kantri bai holim Apec (Esia Pasifik Ikonmik Koperesen) kibung we moa long 10,000 manmeri bai kam.

"Kam bilong ol bai kamapim planti ol sans long strongim ol sekta olsem turisim, egrikalsa na piseris.

"Dispela bai kamapim moa sans bilong mekim ol liklik bisnis na wok bilong ol manmeri.

"Lukluk bilong wol long dispela taim bai stap long Papua Niugini we planti praim minista na presiden long Apec kantri bai kam.

"Dispela bai wanpela amamas taim na bai bringim senis long wei wol i lukluk long mipela."

O'Neill i tok long dispela taim kantri i bin senis planti na ol manmeri i hap bilong dispela senis.

Long stap bilong ol manmeri long bipo long ol ples, bikipela senis nau i kamap na ol manmeri i mas amamas long dispela senis.

"Ol Papua Niugini nau i holim wok long ol bikipela bisnis na gavman long wol.

"Ol i kamap pailot na ronim ol bikipela smuk balus, i kamap sain-tis na painim ol nupela marasin na i kamap ol enjinia na mekim wok long ol bikipela projek long wol.

"Mipela i ken amamas long planti samting mipela i kamapim tasol i gat planti wok i stap yet long mekim."

Em i tok wanwan ol man, meri na pikinini i mas kisim helpim long dispela ol senis.

Long gavman, em i tok em i mas lukim olsem ol manmeri i kisim helpim long dispela ol senis.

O'Neill i askim ol manmeri long stap isi na lukautim famili na komyuniti bilong ol long strongim gen kantri long 2017.

Maru laikim PNG manmeri long ranim 90 bisnis long kantri



Hohola Stret Pasin Stua, wanpela long ol Gavman SME program stua. Foto: Paul Zuvani.

Paul Zuvani i raitim

MINISTA bilong Komes na Indastri, Richard Maru, i tok Papua Niugini manmeri i mas kirap na ranim ol bisnis we planti ol manmeri bilong narapela kantri i ranim.

Em i mekim dispela tok taim em i opim opis wanpela Nesanel Dvelopmen Benk Seken stua long taun long sampela taim i tok pinis.

Em i tok nau yet 90 pesen bisnis long kantri em ol manmeri bilong narapela kantri i wok long ronim.

"Mipela olsem Gavman i gat tingting i kamapim ol liklik bisnis o program we gavman i givim helpim long manmeri long sid mani we ol i ken

yusim long kamapim bisnis bilong ol," Maru i tok.

"Ol manmeri i ken bekim dispela ol mani taim bisnis bilong ol i kamap gut.

"Mi amamas olsem planti manmeri long Papua Niugini nau yet i go insait long ronim seken han bisnis."

Em i tok kantri i gat sampela ol gutpela stua we ol manmeri i gat strong long ranim dispela ol bisnis na olsem gavman i go insait long kamapim gen Stret Pasin Stua bisnis.

Dispela ol stua em Gavman i bin ronim sampela taim long 20 yia i go pinis tasol dispela progrem i bruk bikos ol manmeri bilong kantri i salim long ol manmeri narapela kantri.


Tasol gavman nau i laik staitim gen dispela progrem.

"Long dispela taim gavman bai i no inap long luksve, trenim, fanim na skulim ol manmeri tasol bai kamapim ol polisi we manmeri i no ken salim o lisim i go long ol narapela ol manmeri," Maru i tok.

Em i tok 2050 Visen bilong Gavman i tok long 2050 inap olsem 70 pesen bilong ol bisnis em ol manmeri bilong kantri yet i mas ronim.

"Mipela i no inap long kamap papa na ranim ol bisnis sapos mipela i go het long kain maket em mipela i ranim bisnis long em.

"Manmeri bilong mipela i mas kirap na kisim dispela sans na ranim bisnis long ol taun na ples wantaim," Maru i tok



Maining wok long solwara: Foto: Internet

Solwara maining i traim projek: NGO

Paul Zuvani i raitim

SOLWARA Maining projek namel long solwara bilong Nu Ailan na Is Nu Britan i traim projek tasol, ol non gavman oganaisesen (NGO) i tok i no longtaim i go pinis.

Long wanpela pepa ol i bin tokaut ol NGO i tok dispela projek bai bagarapim solwara, ol samting i stap insait long solwara na tu givim hevi long ol manmeri painim pis.

Ol i tok Nautilus Minerals, kampani we I developim projek, i no tok tru taim em i tokim ol manmeri long las mun PNG Maining na Petroleum Konferens long Sidni, Australia olsem em I gutpela projek.

Natalie Lowrey, meri husat grup bilong em i go egensim projek i tok: "Maski kampani i tok em i gat tupela bikipela seaholda husat bai helpim

long developim projek em i think kampani bai bungim hevi bilong mani na kain save bilong developim projek tu.

"Ol i no tokaut ol mak we i soim projek i gutpela long developim na bai i no inap long kamapim bagarap.

"Long 2015 kampani mani ripot, em i soim olsem i gat planti bagarap long ol masin bilong wok na dispela i lusim kampani wantaim planti hevi.

"Long dispela as ol kampani opisa na gavman i no ken gat bikipela bilip long em.

Long ol hevi we wanpela i ting bai kamap em ripot i tok Nautilus i no pinisim na i no ting ting long pinisim ikonmik asesmen, pri-fisibiliti stadi o fisibiliti stadi bipolong em i ken developim projek.

"Kain ripot i no kamapim gutpela tingting

long lokol komyuniti. Dispela projek i stap namel long solwara na long ol hap we mipela i save painim pis long em," Jonathan Mesulum bilong PNG Alliance bilong Solwara Warias i tok.

Christina Tony bilong Bismarck Ramu Grup i tok: "Kain ol ripot i soim olsem ol komyuniti long Namatanai na amamas long kamap bilong projek.

"Nautilus na PNG gavman i wok yusim Bismarck Solwara olsem ples bilong traim ol projek we bai bagarapim laip bilong solwara na ol manmeri wantaim.

"Bipo Praim Minista na nau Gavana bilong Nu Ailan Sir Julius Chan, bihainim ol ripot nogut I no sapotim projek.

"Long dispela as Nautilus i mas lusim dispela projek na lukluk long ol projek we i stap gut antap long graun."

Emmanuel: God stap wantaim manmeri

Paul Zuvani i raitim

DESEMBA 25 i de ol Kristen manmeri i tingim na amamasim de Maria i karim Jisas.

Em i de Kristen famili na komyuniti i bungim wantaim na selebret.

Long Holi Rosari peris, 6-Mail, Mosbi, komyuniti long dispela hap i bin amamasim dispela de tu.

Ol i no kilim pik na kaikai wantaim tasol ol i holim wanpela bikpela misa long tingim betde bilong Jisas.

Long dispela taim olgeta Sande ol i save holim tupela misa, wanpela long 7 kilok moning na narapela long 9 kilok. Tasol long dispela taim ol i holim wanpela long 9 kilok

tasol.

Fr Gerald Flor Gutierrez, O.Carm, wanpela Karmalait pater i go pas long Misa.

Long lotu em i kisim rit long buk Baibel long Gospel bilong Luk 2: 1-20

Dispela rit tok long bihainim oda bilong Sisa Agustus, Maria na Josep i wokabaut long longpela hap long Nazaret i go long Bethlehem, papa taun bilong Josep long rejisterim nem bilong tupela.

I luk olsem tupela i wokabaut tupela de olgeta. Long dispela taim tu Maria i gat bel.

Wantaim long dispela hevi i mas gat hevi bilong nogat wara bikos em ples drai.

Taim Maria na Josep i kamap long Betlehem, em i taim

Maria i mas karim pikinini.

Tupela i no gat haus bilong stap na olsem ol i painim haus bilong stap na malolo tasol dispela tu i nogat.

Long dispela as Maria i karim long ples we ol i lukautim ol sipsip na bulmakau.

Ples we ol enamel i kaikai tasol i save silip, pekpek na pispis tu. Em i mas smel nogut!

Dispela i no gutpela ples long nupela bebi i kamap tasol nogat narapela hap na Maria i mas karim long dispela ples.

Long dispela Pater Gerald i tok taim yumi tingim olgeta dispela ol hevi na hatwok yumi ken skelim olsem namba wan Krismas i no bin taim bilong amamas tasol i taim bilong planti hatwok.

Em i tok yumi mas tingim ol turangu olsem ol sik manmeri na go bung wantaim ol na givim samting long ol.

Wankain taim i givim samting long ol lain i stap long haus kalabus, ol lapun, ol lain husat man o meri bilong ol i dai pinis na ol pikinini husat i no gat papamama.

Em i tok dispela i mining bilong Krismas taim yumi bung wantaim famili na amamas yumi mas tingim ol arapela bikos God i kam bilong givim bel isi long ol turangu, ol lain husat i lus.

Em i taim tu long strongim bilip bilong ol lain husat i no strong long ol i mas pre, lotu na go pas moa long God.

ELC MUMENG Distrik konprens strongim wok bilong Gutnius

Paulus Tali i raitim

LONG Evanjelikel L Luteran Sios (ELC PNG) Mumeng Konprens, ol Kristen i bin toktok long strongim wok Gutnius.

I no long taim i go pinis, ELC Mumeng Distrik i bin holim konprens long Grace Memorial Sekenderi Skul insait long hap bilong skul we bipo em i Kathrine Lehmen Skul.

Moa long 3,000 Kristen bilong Mumeng Kristen i bin kamap. Ol i kam long Timini na go inap long Biar, Wau, Teto Maunten, na Watut na ol i amamas moa long sios konprens.

ELC Mumeng Distrik Presiden Reveren Tau Bingtau i tok em i lukim moa Kristen i kamap long konprens na bikpela amamas i kisim em.

Mumeng Distrik i gat planti ol sios ejensi skul na etpos.

Planti bilong ol manmeri em

ol Luteran na i nogat ol arapela lotu tumas is tap long hap bilong Mumeng.

Mumeng Distrik Konprens Namba 9 i lukim ol kristen i toktok moa long wok bilong Gutnius i mas go aut moa long strongim bilip bilong ol kristen manmeri.

Reveren Bingtau i tok Mumeng Distrik mekim planti samting olsem ol yut bilong Timini kamapim nem bilong Mumeng long selebretim sios de, na tu, wokmeri program i kamap gut long Distrik.

Ol Sande Skul i givim moa taim long wok bilong ol long peris na kongrigesen na Sande skul i ran gut.

Lukluk long wok bilong yut insait long Mumeng Distrik, ol lida bilong distrik yut i kamapim program na ol yut i kamap isi isi. Ol program naol lida i sanap long wok na komitment bilong em we inap

bringim moa yut i kam insait long program bilong ol.

Presiden Bingtau i tok amamas long Gutnius Dairekta, Pasto Bob Gideon, na wokmeri kodineta, Fransica John, na Yut Kodineta Chris Vincent long wokbung na sapotim ministri insait long Distrik, peris i ran gut long mak bilong en.

Reveren i Tau tok moa olsem long pasin bilong wok bung bai wok ministri bilong Gutnius em kaikai bilong em kamap.

Em i tok amamas olsem yut bilong Mumeng Distrik bai i go pas long hostim Nesenol Luteran Christ in Culture Festival we bai kamap long St. Peters. St Peters em bai venue we Distrik Presiden i amamas long ol yut bilong Mumeng ken kamap na witnesim kain program o wokabaut bilong ol yangpela bilong Distrik nap bungim ol arapela yangpela

kam long arapela distrik bilong Morobe Provins.

Narapela Distrik Konprens bai kamap long Midel Watut long dispela yia. Ol deliget i kam long 20 peris tok tenkyu i go long Memba Honorebol Sam Basil husait givim K600,000 i go long 20 peris.

Em i tok, bikpela samting em wok Gutnius i mas go long peris, kongrigesen na strongim bilip bilong ol bilip man mer nai pikinini.

Morobe Gavana, Kelly Naru, i bin kamap na givim K20,000 long sapotim wok sios.

Em tokim konprens olsem gavman i gat Sios patnasip Program (CPP) long sapotim ministri bilong ol sios long kantri na provins tu.

Gavana Naru i tok moa olsem Morobe Provins em namba wan provins long karim aut wok program olsem.



Yut, Meri na Famili

Pastor Barbara Lunge

PNG bai gat gavman i gat pret long God

KINGDOM em i save tok long wanpela kantri we i gat king i bosim kantri.

OL papa bilong kantri bilong yumi i bin sainim wanpela kavanen o tok promis long lotu na stap aninit long God bilong Israel long yia 2007 long taim bilong Saut Pasifik Prea Asembli long Pot Mosbi.

Ol Kristen long Papua Niugini i bilip olsem 2017 gavman em bai kamap olsem namba wan kingdom gavman we baibel bai kamapim konstitusen bilong kantri bilong yumi.

Jisas bai stap Bikpela na King bilong yumi. Buk baibel long Kamapim Tok Hait 19:16 i tok, "King bilong olgeta king na Bikpela bilong olgeta Bikpela man." Filipai 2:10-11 i tok, "Em i givim dispela nem long Jisas, bai olgeta ensel na olgeta man na ol arapela samting i stap long heven na long graun na aninit long graun ol i ken brukim skru long ai bilong Jisas na i stap aninit long em. Na olgeta bilong ol i ken tokaut olsem, "Jisas Krai em i Bikpela." Na long dispela pasin ol bai i givim biknem long God Papa.

God Bikpela em i man i kamapim yumi na em i save bosim olgeta samting i save kamap aninit long heven. Buk Saveman 3:1 i tok, "Olgeta samting i kamap long taim bilong em yet. ves 4; 'Em i makim taim bilong krai na taim bilong lap. Em i makim taim bilong sori na taim bilong singsing."

Yia 2017 long wei bilong ol Juda lain em i 5777: 5 i makim Jubilee, 777 i makim malolo o Sabat. Em i holi yia na olgeta pipel i mas klinim ol yet. Dispela yia yumi bai lukim singsing, winim ol trampet, kaikai, famili i kam bek wantaim na long yu go bek gen long papa bilong yu na God bilong yu.

Ol nupela lida bilong palamen long 2017 i mas makim ol pipel insait long palamen na ol lain i bosim ol dipatmen bai ol manmeri husat i pretim God. God i makim ol na putim mak long ol long ol bai mekim wok bilong God.

Aisaia propet i tok long 9:6 "Wanpela pikinini man i kamap pinis long yumi, em wanpela pikinini God i givim long yumi. Em bai i stap king bilong yumi na em bai i gat ol dispela nem, 'Man bilong givim gutpela tingting tru' na "God i gat bikpela strong" na "Papa bilong i stap oltaim, oltaim" na "King bilong kamapim gutpela sindaun na bel isi."

Planti Kristen lida bai kirap long dispela kantri na bai kamapim kingdom nesen we stretpela pasin, jastis na bel isi bai stap oltaim.

Olgeta sistem nogut bilong gavman, bisnis, lotu, sosel sistem bai stop nau. Nupela lida bai kamap wantaim ki bilong kingdom long bringim holistik sastenebel developmen long gutpela kantri bilong yumi.

Olgeta wan wan manmeri na pikinini i mas kirap na pre long kingdom bilong God i mas kamap. Pre long ol manmeri husat i gat pret long God tasol bai go insait long palamen long 2017 ileksen.

OL selebren bilong pinisim Jubili Yia long Mendi Katolik Daosis, Sauten Hailans.

Ol yut i putim naispela bilas na pilaim bras ben.



Sori long PNG lusim tupela bikpela niusman

DAI bilong tupela bikpela niusman, em long Oseah Philemon na Susuve Laumaea i lusim bikpela spes long PNG mida.

Philemon i dai long avinun bilong Krismas de na Laumaea i dai long wik bilong Krismas.

Tok sori bilong mipela i go long famili na ol hauslain bilong ol.

Long laip na long wok bilong tupela long taim tupela i tokaut long ol samting i kamap long komyuniti, tupela i laik lukim Papua Niugini i gat gutpela sindaun.

Tupela wantaim i wok long Post-Courier na long bihain, ol i go long wan wan wei bilong ol.

Tupela wantaim i namba wan ol niusman long 1970's we long midia indastri long dispela taim i yangpela yet, na planti waitman i go pas long em.

Tasol stat long taim tupela i joinim indastri, tupela i soim laik long helpim long kamapim senis long nupela Papua Niugini.

Philemon i stat olsem junia opisa na bihain kamap sinia ripota na bihain wok aninit long namba wan nesanel Post-Courier Edita Luka Sela. Na taim Sela i pinis, Philemon i kisim ples bilong em olsem Edita.

Planti ol ripota long dispela taim i bin kisim trening aninit



Tupela sinia niusman, Oseah Philemon na Susuve Laumaea.



long em.

Dispela Ahi, Lae, Morobe man long namba wan taim yu lukim em, yu bai ting em i man bilong kros. tasol no gat. Em i lukim yu pinis tasol bihain bai lap long yu. Em dispela kain man.

Philemon i man bilong rait na planti taim ol ripota i go long wok, em bai bihainim ol tu long go kisim stori na rait.

Em i no save sindaun na wet long ol ripota long kisim stori na mekim pepa, no gat.

Sapos wanpela ripota i no mekim gut wok Philemon bai

singautim em na skulim em gut. Em i no inap larim ol i ripot nogut o giaman ripot i kamap long pepa.

Arere long wok bilong em olsem Edita, Philemon i mekim ol narapela wok tu.

Long bikpela Nesanel Provin-den Fan (NPF) nau Nasfund Inkwairi ripot long paul pasin i kamap, Philemon i bung wantaim bipo Post-Courier Jenerel Menesa, Bob Hawthorn long 2000s long olgeta wik i save putim kamap wan wan hap bilong NPF Inkwairi.

Bihainim dispela ol pablikesen, ol atoriti i kotim sampela man na ol i bin sanap long kot na i go long kalabus tu.

Bihain long dispela, Philemon i helpim kamapim Gan Kontrol Komiti kempein. Wantaim gutpela wok Gavman long dispela taim i tok orait na sponsaim dispela komiti long go raun long kantri na tokaut long hevi gan. Komiti i askim ol manmeri long lusim gan na em wok bilong olgeta manmeri long ol mas rausim gan long haus bilong ol.

Dispela komiti i kamapim Gan Kontrol ripot na Gavman i no mekim wanpela samting na ripot i kaikai das long Waigani.

Philemon i bin stap Presiden bilong Midia Kaunsil sampela taim tu na i save promotim fri spits na fri pres.

Long taim em i stap presiden yet long 2007 em i askim Australia Hai Komisen long trenim ol ripota long ripot gut long 2007 Jenerel Ilekseen.

Philemon i lusim Post-Courier long sampela taim bihain long 2010.

Tasol sampela taim bilong long Krismas Post-Courier i singautim em gen long helpim ol na redim pepa long ol ripot bilong 2017 Jenerel Ilekseen. Long taim em i wok long redi em i lusim laip bilong em.

Wankain laip em Laumaea i bin stap na mekim wok bilong em olsem jonalis.

Laumaea bilong Malalaua, Galf provins i no bin stap longpela taim long meinstrim midia olsem Philemon.

Tasol em i bin go kam long meinstrim long sampela taim.

Taim em joinim Post-Courier em go wantaim ol memba bilong Palamen.

Bihain em i go sanap long Jenerel Ilekseen long Galf long 2002 na bihain long dispela i go wok wantaim Post-Courier.

Em wok wantaim dispela pepa yet inap long 2007 em i go gen long sanap resis long dispela yia.

Bihain long dispela em i go wok wantaim Sunday Chronicle na bihain i go wantaim nau Praim Minista Peter O'Neill inap long em dai.

Olsem mipela i tok pinis tupela wantaim i laik PNG i kamap gut na olsem mipela i amamas na tok tenk yu long tupela.

Inap sol bilong ol i ken slip isi...

Pasin bilong manmeri yet bai bagarapim PNG

PLANTI manmeri i save harim long maus bilong ol manmeri bilong narapela kantri olsem Papua Niugini i paradais, ples we i gat planti gutpela samting.

Na planti manmeri long PNG yet husat i go raun long narapela kantri i ken tok tu olsem PNG i gat blesing.

Tasol sapos ol i bilong PNG yet o bilong narapela kantri wanpela samting ol i ken tok klia em ol manmeri bilong PNG i stap tarangu.

Dispela em sori tok na i no gutpela. Tasol em trupela tok.

Lukluk raun long hap bilong yu, sapos yu stap long taun o ples bai yu lukim planti manmeri i nogat mani long poket bilong ol. Na sapos ol i gat mani dispela bai likik tasol.

Tasol bai yumi sutim tok long husat? Gavman, komyuniti o yumi yet?

Ating olgeta tripela wantaim bai asua long dispela.



Papua Niugini yet i gat bikpela hevi long wei bilong tingting (attitude).

Mi pasin i bikpela: Mi no wari o mi no ken tingting long husat i stap klostu long mi, ples mi stap long em na samting bilong em.

Dispela toktok bilong ol manmeri bilong bipo we ol i tok long "Gut Taim!" i min bikpela.

Gut taim min ol gutpela pasin bilong bipo we ol manmeri i gat rispek long narapela man na samting bilong em na ples em i stap long em

i pinis. Dispela rispek tu i go long ol pablik samting.

Sapos yu laik save lukluk long hap bilong yu na harim papamama bai tok nogut long pikinini o pikinini i tok nogut long papamama. Dispela kain pasin nau i go long wanpela i tok nogut long narapela long pablik ples.

Olgeta kainkain pasin nogut i kamap; pasin bilong stil, kros, pait, kilim man, aigris na brukim lo olsem noken salim samting we wanpela i no ken salim.

Lukim long Boroko, Gordon, Mosbi Taun, Waigani, Lae, Hagen, Kokopo, Goroka, Madang na Wewak we bai yu lukim manmeri i mekim haus long laik, salim samting long laik na bagarapim samting long laik.

Nogat moa rispek, luksave long lo na oda o tingting gut na bihainim gutpela pasin. Taim pikinini i liklik yet na i

tok nogut, em wok bilong papamama long pasim em long ken tok nogut.

Tasol sapos pikinini i harim tok, i helpim papamama long wok, pre na amamas wantaim ol poroman bilong em, em wok bilong papamama long sapotim tingting bilong pikinini long em i go het long mekim olsem.

Long Papua Niugini i gat gutpela sosaiti ol lidaman na liklik manmeri wantaim i mas save wanem samting i gutpela na wanem samting i nogut.

Taim ol liklik hevi o pasin nogut i go bikpela em bai hat long stretim.

Olsem ol dokta i save tok long Inglis: "Prevention is better than cure."

I gutpela long pasim ol hevi i no ken kamap bikos taim ol i kamap dispela planti taim bai hat long pasim.



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500
Fax: (675) 325 2579

Email: editorial@wantokniuspepa.com

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Veronica Hatutasi

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

Kalabusman ranawe long Boram Haus Kalabus

TUPELA kalabus man i dai na 20-pela arapela man i ranawe long Boram Haus Kalabus long Wewak, is Sepik long bik moning bilong las Sande. is Sepik provinsel polis komanda Peter Philip i tok 29 kalabus man – sampela em ol nem nogut man – i brukim haus kalabus long nu yia. Nainpela em polis i holim pasim gen we

namel long ol em tupela dai long em. Philip i tok ol opisa bai karimaut wok painim long as bilong planti lain kalabus man i ranawe long wanpela taim. Dispela tupela man i dai i go long wetim long kamap long Nesenel Kot long taim tupela i dai. Philip i tok aste polis i holim miting wantaim

150 kalabus man long Boram. Long dispela kibung ol kalabus man i askim ol atoriti long karimaut pos motem long painim put as bilong dai bilong tupela man. Philip i bekim na tok wok bilong karimaut pos motem i ausait long wok bilong em. Em i no wok bilong em long givim kain oda.

Polye: 2017 bai wanpela hatpela yia

OPOSISEN lida Don Polye i tokaut olsem 2017 bai wanpela hatpela yia wantaim hevi bilong mani.



OPOSISEN lida Don Polye

Long Nu Yia toktok bilong em, Polye i tok nau hevi bilong mani kantri i wok long bungim i mekim em i ting 2017 bai i no inap long bringim amamas long laip bilong ol manmeri. “2017 bai wanpela hatpela yia na mi askim olgeta manmeri long ol i mas tingting na was gut long stap bilong ol,” Polye i tok. “Mipela i mas pinis long tromoi mani long

samting we i strongim laip. “Kantri nilonh mipela i bungim bikpela hevi bilong mani wantaim no gat tru tru pepa mani i stap. Em i pablis sevis i go daun bikos long planti politik pasin i kamap long dispela sekta. Em i tok pasin bilong korapsen i go antap tru long las 5-pela yia. “Korapsen i kamap bikpela tru na i long blut

bilang ol manmeri husat i gat sampela kain mak bilong atoriti,” Polye i tok. “Wanpela i no inap long abrusim dispela pasin long wanpela hap. “Pablik Sevis Stending Oda nau i stap rabis. Em i no gat moa atoriti na pawa. “No gat moa pablik sevan long ol provins ol long Waigani i save bihainim Jenerel Oda bilong Pablik Sevis. “Planti politik i kamap long pablik sevis we bai lukim no gat sevis bai go long ol manmeri.”

O’Neill tok wanpela asua na opisa bai pinis wok

PRAIM Minista Peter O’Neill i givim strongpela tok lukaut long ol opisa bilong tripela disiplinari fos; ami, polis na koreksinel sevis. O’Neill i tok sapos wanpela opisa bilong ol i mekim asua long wanpela taim tasol, em bai pinis wok olsem opisa. Em i tok ami, polis na koreksinel i ples bilong ol manmeri i bihainim laik bilong ol na mekim nabaut. Moa yet em i tok i gat planti manmeri i painim

wok i stap na husat opisa i ting em i laik bikhet i mas givim ples long ol narapela long stap na mekim gut wok. Em i askim komanda bilong dispela ol disiplinari fos long kamapim gutpela oda na koman long fos bilong ol. Em i mekim dispela tok lukaut bihain long ol ami opisa long Taurama Bareks i draivim ka na go long Boroko Polis Stesin, sut long gan na bagarapim ol polis opisa long stesin.

Long dispela taim ol polis opisa i no karim gan na i bin stap wantaim bik pos bilong ol long Mosbi Siti, Metropolitan Supritenden Benjamin Turi. Ol polisman i no bekim han bilong ol. Ripot i tok ol ami opisa i mekim dispela pasin bihain long ol polis i mekim wanpela rot blok long Taurama Rot na kisim pistol long wanpela ami kepten. Long dispela taim ami kepten i spak, i pairapim pistol long ai bilong ol

polis. Long dispela taim ol polis i kisim pistol long han bilong em. Tasol bihain dispela kain pasin ol ami opisa i kisim ka na go long Boroko Polis Stesin na bagarapim ol polis long hap. Turi i bin askim Komanda bilong ami, Brigidia Gilbert Toropo long em i mas holim pasim dispela ol opisa na givim long polis long sasim ol. Komanda Toropo i givim tok orait pinis long holim pasim dispela ol opisa na givim long polis.

Antonio Guterres i nupela Seketari Jenerel bilong UN



ANTONIO Guterres i Seketari Jeneral bilong Yunaited Nesen (UN).

ANTONIO Guterres i kamap namba 9 man long kamap olsem Seketari Jeneral bilong Yunaited Nesen (UN). Em i kisim opis long Nu Yia de stret. Bihain long em i lukim hevi bilong planti turangu manmeri long wol, long ol husat i stap long refuji kem na long ples we pait o woa i stap, dispela man i laik pait hat long apim mak long givim luksave long man em i husat. Em i laik kamap olsem man husat i ken bringim bel isi

long hap we pait na birua i stap. Bipo long em i kamap Seketari Jenerel, Guterres i wok olsem Refuji Komisina bilong Yunaited Nesen (UNHCR)stat long 2005 i go insp Disemba 2015 long ol hap olsem Syria, irak, Saut Sudan na Sentral Afrika na Yemen. Long dispela taim em i lukim hevi bilong inap olsem 38 milien manmeri husat i no gat gutpela sindaun bikos long ol hevi i kamap long hap bilong ol.

Tasol pastaim long em i joinim UNHCR em i bin stap wok moa long 20 yia wantaim Gavman na pablik sevis. Em i bin stap praim minista bilong Portugal long 1995 i go ong 2002 long taim em i wok hat long stretim hevi i kamap long is Timor, wanpela koloni bilong Portugal. Guterres i bin go long Portugal Palamen long 1976 we i stap memba inap long 17 yia olgeta.

Sios lida wantaim meri kisim luksave

WANPELA sios lida wantaim meri bilong em i kisim luksave long Nu Yia awot long wok misin bilong ol. Dispela man em Rait Reveren Laka Renagi, Yunaited Sios pasta husat i kisim Gren Kompenion long Oda bilong Logohu (GCL). Dispela awod i kam wantaim taitel bilong “Sif.” Em wantaim meri bilong em i kisim awod namel long 79 arapela manmeri husat i kisim luksave long gavman bilong Papua Niugini. Renagi i mekim wok pasta long sios moa long 40 krismas.

Meri bilong Renagi, Winnie i kisim awod bilong Memba bilong Oda bilong Logohu (ML) long wok bilong em arere long man bilong em long wok insait long sios. “Em i tok em i bikpela taitel long mi na famili bilong mi. Famili bilong mi i amamas taim ol i harim nius na i tok tenkyu long God,” Renagi tok. Arere long kisim luksave na kisim ol arapela awod em ol biknem man olsem Katolik Pater Joseph Bisson, SVD; Nesenel Kapitel Distrik Gavana Powes Parkop na is Nu Britan Herman ToBaininig.



Rait Reveren Laka Renagi wantaim meri bilong em Winnie.

Amamas long Krismas De long Pot Mosbi...



Oi pikinini selebretim krismas wantaim traipela balun kalap haus. Oi i go insait na kalap kalap long en.



L-R Isaac, Francis na Bertha em ol yut bilong AIM sios i stap long raif hap – Trupela amamas bilong krismas em i stap insait long haus lotu. *Poto: Nicky Bernard.*



Gutpela taim bilong ol famili i bung wantaim em long krismas nait. *Poto Nicky Bernard*



Mama Momo Seaka i helpim ol pikinini long Agape Intedinominesenal Ministri (AIM) Sios long singim ol song long Krismas nait. *Poto: Nicky Bernard*



Liklik Sylvester Lahui long fran i no slip yet na amamas long lokal 'carols by candle light' long AIM long Taurama. Em namba wan taim tru long famili bilong Sylvester i stap long wanpela krismas kerols wantaim kendel lait long dispela sios. *Poto: Nicky Bernard*



Pastor Daniel Hewali (sanap navel) i amamas long ol kongrigesen i bung long krismas nait, Sarere 24 Desemba long singim ol krismas kerol wantaim kendol lait na bihain dring liklik tin a kaikai kek. *Poto: Nicky Bernard*



Tripela pikinini Rigo– L-R Judah, Ruby na Freddy Rimau i amamas long holim kendol na singim ol krismas singsing long krismas nait. *Poto: Josiah Kana.*



Strit pikinini ministri i wokim pilai bilong Krismas. *Poto: Veronica Hatutasi*



Strit pikinini ministri long Pot Mosbi selebretim Krismas. *Poto: Veronica Hatutasi*



Oi pikinini long Cheshire Disabiliti senta i bin kisim ol presen long planti lain long Desemba na wanpela bilong ol em Nesanel Statistik Opis. Oi dispela yangpela lain i amamas long holim presen bilong i kam long NSO wokman na meri. *Poto: Frieda Sila Kana.*

KRISMAS em i taim bilong amamas na tingim bon de bilong Jisas husat i kam daun long graun olsem sevia, ridima na King. Olsem na ol Kristen manmeri i mas namba wan long amamas na selebretim dispela de.

Gutpela na namba wan we tru long selebretim dispela de em long go bung wantaim ol narapela bilip manmeri insait long wanpela sios bung o haus lotu na singim ol song na pre na tok tenkyu long God.

Kain kain kaikai na pilai em i gutpela tu, tasol namba wan em tok bilong God i mas go long ol yangpela pikinini long ol i ken save trupela mining bilong krismas.

Bihain taim bai ol tu i ken lainim ol pikinini bilong ol long luksave gut long dispela de.

Ol Brazil man helpim ol narapela long kamap gutpela papa na daunim hevi long famili

KISIM ol man long kamap olsem ol strongpela papa i mas luk hatpela wok long daunim hevi insait long famili.

Tasol long Gary Barker, Sif Eksekutiv Opisa (CEO) na faunda bilong Promundo, we i save wok wantaim ol man na ol mangi long daunim na pasim egensim ol meri dispela i no hat.

Maski ol man i no kisim mekim long mekim dispela wok, ol i gat tingting na laik long kamapim jenda ikwaliti long sosaiti bilong ol.

“Long mipela, i lukim olsem mipela i mas luksave tru long wanem rot mipela i mas mekim long kisim ol man long mekim wok,”

Barker i tok.

Tasol tru, tru i hevi i save kamap taim ol man i no kisim skul bilong stap isi na givim luksve long ol meri.

Barker i tok, long bikpela lukluk, ol meri husat i gat mani i save lusim poroman bilong ol husat i save kros pait tasol hevi i save kamap long ol meri husat i no gat mani.

Olsem tok piksa, ol Maikro-kredit program we i sut i go long ol meri, i ken kamapim bikpela hevi.

“(Poroman bilong em) bai pilim em i no gat mani, tasol dispela kain piling nau i wok long senis ... long sampela hap we ol man i no redi long lukim kain senis,” Barker i tok.

Long daunim dispela hevi

long Brazil, Promundo i ranim ol poroman projek long bolsa familia mani tresfe program bilong gavman.

Dispela program moa long 10-pela yia nau i save givim fri mani i go long ol turangu famili olsem ol i ken kisim pikinini bilong ol na putim long skul na go sekim ol yet wan wan taim long haus sik.

Dispela program i save go aut long planti namba bilong ol manmeri, na 93 pesen bilong ol lain husat i kisim helpim em ol meri.

Poroman program bilong Promundo i trenim pablik sekta opisa long toktok long jenda ikwaliti na bikpela tingting bilong sariti wok

long taim givim mani bilong bolsa familia.

“Mipela i wok wantaim ol opisa husat i karimaut program long tok, kam strongim em long em i wanpela man bilong helpim ol pikinini long wok bilong ol, kam strongim em long go bung wantaim ol tisa.”

Projek i Hluk olsem i wok gut. Inap olsem 75 pesen man husat i pas long dispela program i tok ol nau i helpim lukautim ol pikinini, we bihain nau inap olsem 100 pesen i wanbel long mekim olsem.

Promundo, husat i wok long moa long 20 kantri na i kisim mani long faundesen na gavman opis, we sam-



Promundo i wanpela ol kodineta bilong MenCare+ long Brazil, wanpela program bilong Global MenCare kempein we i mekim wok wantaim ol man husat i gat sik long het na helt bilong ol pikinini.

pela em US Senta bilong Disis Kontrol na Privensen (CDC) na Wol Benk

In no long taim nau em i kamapim wanpela gutpela kempein long Brazil long hapim mani bilong ol papa

husat i laik malolo na lukautim bebi, wanpela piksa bilong promotim wok bilong man insait long famili.

Ol man nau i kisim olsem 20 de bilong pe long malolo na lukautim ol bebi.

Cuba mas long anivesari long soim strong bilong ol

AMI bilong Cuba na planti tausen manmeri i mas long Revoluse Skwea long bik-taun, Havana long bihainim pasin ol i save mekim long soim sapot bilong ol long leit lida Fidel Castro.

Ol skul sumatin i putim red na wait yunifom long statim de we ol i raunim Gramma yot (bot) we i soim piksa bilong bikpela amamas i kamap.

Dispela yot i karim ol Castro brata, Ernesto “Che” Guevara na ol arapela long Mexico i go long Cuba long statim revolusen long 1959.

Ol ami i karim ol atometik gan we bihainim ol em ol

manmeri husat i karim ol pilag na tanim tanim.

Hetman bilong federesen bilong Yunivesiti sumatin, Jennifer Bello Martinz, i opim mas wantaim strongpela toktok long taim Presiden Raul Castro na ol arapela lidaman i lukluk i stap na tromoi han long as bilong stetu bilong papa bilong Cuba Independens, Jose Marti.

“Cuba bai i no inap long lusim wanpela liklik prinsipel bilong em, i no independens na rait bilong em,” Martinz i tok.

Dispela mas bilong ol manmeri na ami olgeta taim i save kamap bihain long 5-pela yia



Ol soldia i mas i go insait long Revolusen Skwea long Havana long soim sapot bilong ol long Fidel Castro husat i dai long Novemba las yia.

long Disemba 2 long makim kamap bilong Granma.

Dispela de em ol i surukim

bihain long dai bilong Fidel Castro long las Novemba.

Dispela de we ol i makim

long las Epril, i kisim narapela luksave taim ileksen bilong Amerika i kamap.

Amerika presiden-ilek, Donald Trump, husat bai kisim opis long 20 Jenuari, i givim tok lukaut long em bai pasin dispela ol wanbel toktok Obama i mekim wantaim Cuba taim em i go insait long opis sapos Cuba i no kamapim gutpela toktok wantaim Amerika.

“Mipela i was long hevi bai kamap wantaim Amerika, mipela oltaim i save gat, tasol mipela i hop Trump bai bihainim rot bilong Obama long skruim yet dispela bel isi toktok,” 70-yia Marcial Gar-

cia, husat i wok wantaim Cuba ami i tok

Dispela hevi long US-Cuba poroman i no inap long kamap long narapela taim moa long dispela taim we em i bungim hevi bilong mani bihain long brukdaun bilong komis gavman bilong Rasia 25 yia i go pinis.

Namba bilong foa milien turis husat i save go long Cuba long 2016, wantaim mak bilong ol wel sip ol i save salim long Venezuela na ol Cuba dokta husat i wok long ovasis kantri i no inap long stretim hevi bilong mani long Cuba.

Indonesia bisnis poroman bilong Trump tingting long resis long kamap presiden

BILIONEA Indonesia bisnis poroman bilong presiden-ilek bilong Amerika, Donald Trump i tingting long resis long kamap presiden long 2019 ileksen.

“Sapos i no gat man, mi bilip no gat narapela man bai stretim hevi bilong kantri, mi bai traime long resis long ileksen,” Hary Tanoesoedibjo i tok Australia Brodkasting Koporesen.

“I no bilong mekim nem bilong me tasol bilong kantri,” we em i tok kantri we i gat 260 manmeri i laikim lidaman husat i gat gutpela nem long stretim hevi bilong kantri.

Wantaim lokol nem olsem Hary Tanoe, dispela mani man i mekim tupela haus wantaim nem Trump developmen – long Bali na Jakarta. Em i mekim gol kos wantaim helpim bilong bipo

wol namba wan golf pilaia, Ernie Els. Risot bai gat olsem 300 vila wantaim pak.

Tupela projek bai pinis taim Trump i go insait long opis long 20 Januari.

Long pasin Trump i no bin mekim, Tanoesoedibjo, 50, longtaim i bin tingting long go insait long politik.

Tanoesoedibjo o Tanoe husat i bin resis long kamap vais presiden long 2014 tasol i lus i kamapim nupela pati, United Indonesia.

Em i yusim Twita na i kamap long ol televisen long tokaut long tingting bilong em.

Kampani bilong em, Global Medicom, o MNC Grup, i lukim prais bilong sia bilong em i go antap taim Trump i winim ileksen long Novemba.

Tanoe i tok em i no gat bikpela sans long toktok wantaim Trump tasol planti

toktok bilong em i go wantaim ol bikpela pikinini bilong Trump em Donald Jr, Eric na Ivanka.

“Wanwan bilong ol i gat narapela narapela wok. Don Jr i lukautim olgeta dispela ol projek, Erik i disain na lukautim golf na Ivanka i go insait moa long liklik samt-ing olsem Hotel run i mas luk olsem wanem,” em i tok.

Tasol planti i lukim olsem dispela ol wok pinis bai kamapim hevi namel long ol bilong em na dispela ol bisnis.

Long las ileksen bilong Indonesia Tanoe i sapotim bipo ami jenerel Prabowo Subianto, husat i lus long nau presiden Joko Widodo.

Sapos em i sait bilong bisnis, Widodo bai i no poroman bilong Trump.

Tasol longtaim yet Tanoe i redim tupela Indonesia politik man long bundim Trump.

Namba wan em Setya Novanto, em spika bilong palamen, husat i gat bikpela sut tok bilong hevi bilong \$US4 bilien. Em i tok no gat long olgeta dispela sut tok.

Narapela man em Fadli Zon, deputi spika bilong palamen, husat i poroman bilong ol strongpela Islam man husat i tok strong long gavana bilong Jakarta i mas go long kalabus long mekim tok krangki long lotu Islam.

Gavana Basuki Tjahaja Purnama, husat i Kristen na i gat niknem olsem Ahok, i wok long pait egensim pasin bilong lukdaun long narapela skin kala long em i mas winim sia bilong em gen olsem gavana. Moa yet olsem em i wanpela Saina Indonesia man.

Tasol Tanoe husat i wanpela Saina Indonesia Kristen man i tok kantri i redi long lukim ol lidaman long

kainkain bekgraun.

“Planti bilong ol manmeri i gat stretpela tingting. Ol i laikim lida husat inap long stretim ol hevi,” Tanoe i tok.

Em i sutim tok long presiden Widodo long em i no wok hariap long stretim ol hevi we i wok long kamap long kantri.



Kepsen: Indonesia bisnis poroman bilong presiden-ilek bilong Amerika Donald Trump, Hary Tanoesoedibjo, i no bin inap long win taim em i resis long kamap vais presiden long 2014 ileksen.

STORI BILONG TUMBUNA

PLANTI LO KAMAP OLSEM

B ipo wanpela man i stap. Nem bilong em Raringi. Dispela man em i harim sampela man i tok long bun bilong papa bilong em i stap long ol sampela lain manmeri. Na em i tingting long i go toktok wantaim ol, na ol inap long givim bek.

Na Raringi i go traim long toktok wantaim ol dispela lain manmeri. Tasol ol i tok, "mipela i no save." Na em i go long ol arapela lain tasol ol i tok, "mipela i no save long bun." Na em i long go long ol narapela lain gen na i askim ol long bun. Ol tu i tok, "Nogat."

Na em i go long arapela lain na tokim ol olsem: "Bun bilong papa bilong Kampani Raringi em i stap wantaim yupela, o? "Ol i tok, i no gat wanpela hia. Yu go long ol lain Ramui na askim ol. Ol i gat 3-pela bun i stap long dispela ol lain. Mipela i save harim tok win tasol".

Olsem na Raringi i go toktok wantaim ol dispela lain Ramui na i toktok long bun bilong papa bilong em. Na ol i askim Raringi, "Wanem kain man? Em i longpela man o sot-pela man?"

Raringi i tok, "Papa bilong mi longpela man tru. Tasol mi liklik yet na papa i dai. Na mi no lukim long ai bilong mi. Tasol sampela man o lain bilong mi ol i tok em i longpela man

tru. Na mi painim dispela longpela bun."

Na ol i tok, "Yu lukim dispela bun. Em i longpela tru." Raringi em i tok, "Dispela bun em bilong papa. Mi laik kisim i go."

Na ol man i gvim bun bilong papa, na em i kisim bek gen long as ples bilong em. na ol famili bilong Raringi wantaim lain bilong em i amamas long en i bin painim pinis bun bilong papa bilong em.

Naau tumora long en Kampani Raringi i bungim ol lain bilong em na i tok: "Nau yupela i bihainim maus bilong mi tasol na mekim wok. Long wanem, nau mi painim pinis bun bilong papa." Nau ol i bihainim maus bilong Kampani Raringi tasol.

Na Raringi i tok long mekim bikpela pati long pik tasol. Na ol i bihainim maus na mekim bikpela pati long pik.

Ne mi tok, "Nau taim bilong bikpela bung i go inap long wan wik" na ol i bihainim. Na em i tok long i go long olgeta ples na painim sol bilong ol yet, na ol i mekim dispela wok. Na em i tok long painim gras pisin long bus, na ol i bihainim na painim gras pisin long bus.

Na em i tok long nait ol i kaikai na mekim pilai i go na ol i bihainim. Na em i tok long holim han bilong ol na raunim haus na ol i mekim inap 8-pela taim, na ol i mekim olsem. Na em yet i sanap namel long ol.

Na em i tok, "Nau yupela olgeta i kam slip long bikpela haus bilong mi na mekim kain kain stori." Na ol i bihainim. Na em i tok, "Nau yupela i ken wokim bikpela ples pilai bilong lainim kina na pik. Na ol i bihainim na wokim.

Na em i tok, "Yupela wokim bikpela baret i go, i go kamap long wanpela bikpela wara, na kisim dispela wara i kam na dispela wara i ken ran klostu long haus bilong mi." Na ol i bihainim maus na wokim bikpela baret i go, i go kamap long wanpela bikpela wara nau i ran klostu long haus bilong em. Na Raringi i givim nem long dispela wara. Em i olsem "Nukumbukum" mining bilong em i olsem, "Lain pipel bilong mi."

Na Kampani Raringi i gat wanpela pikinini man tasol i stap. Nem bilong em Anda. Mining bilong nem i olsem "Mi lapun pinis na mi karim."

Na Kampani Raringi em i lapun pinis na taim bilong i dai klostu, na em i givim blessing bilong mekim wok i pinis, na em i tok, "Yu ken kisim ples bilong mi na mekim wok stap na bihainim rul bilong mi, na ol i ken bihainim maus bilong yu."

Na em i skruim tok olsem: " Na mi dai, orait yu planim mi wantaim bun bilong papa long matmat. Antap long en yu planim diwai

kwila. Em i strongpela diwai. As bilong planim diwai i olsem, i makim mi strongpela man." Na pikinini Anda i bihainim tok bilong papa na mekim olsem.

Pikinini Anda em i kisim ples bilong papa na mekim toktok long lain bilong em. Em i tok long em i givim sampela lo bilong ol i bihainim. Sampela tok em i putim i olsem:

Long olgeta kaikai ol i mas mumuim long ston tasol na ol i kaikai. Tambu long kukim long paia. Olgeta pik ol i mas kukim long paia tasol na ol i kaikai. Tambu long mumuim long ston.

Na em i tok, "Yupela i karim pikinini man,

orait kisim i kam long mi na mi mas givim nem long en. Na pikinini meri, oriat yu i ken bringim long meri bilong mi na em i mas kolim nem long em. Tambu long yupela yet i givim nem long pikinini bilong yupela."

Na em i tok long kamap bilong em. Em "Mama i karim mi aninit long bet bilong bikpela haus bilong papa. Na mi stap long susu bilong em na kamap bikpela liklik. Na mama i wok naus givim banana mau tasol na mi kaikai i go na kamap bikpela. Na em i givim planti kumu long mi na mi kaikai. Na kaikai bilong mi mama i save givim mi olsem: Kiau bilong pisin, retpela yam, taro, kukamba, bin, hap mit bilong longpik, retpela kaukau.

Mi kaikai i kam, i kam na mi kamap bikpela olsem man pinis, na mi marit long wanblut papa bilong mi. Na nau mi kisim ples bilong papa na mekim wok i stap."

Pinis, na em i tokim ol lain bilong em. "Yupela i go na kaunim olgeta diwai i sanap nabaut." Ol i go tasol ol i no inap pinisim namba bilong diwai. Na em i salim ol i go long wara na kaunim olgeta ston bilong wara. Tasol ol i no inap pinisim namba bilong ol ston.

Na em i tok long ol i go kaunim namba bilong olgeta pisin long bus. Tasol ol i no inap pinisim namba bilong pisin. Na em i salim ol long i go kaunim ol snek, tasol ol i no inap pinisim namba bilong snek.

Nau em i tokim ol, "Yupela olgeta i kam na wokim wanpela bikpela haus bilong mi, na dispela haus i mas gat 7-pela dua. Pinis, orait yupela i ken katim 7-pela bikpela diwai, na sapim i kamap pos bilong mi, na sanapim 7-pela pos bilong mi klostu long 7-pela dua bilong haus bilong mi." Na ol i bihainim maus bilong Anda na mekim olsem.

Na Anda em i kisim ples bilong Papa Raringi na mekim toktok wantaim ol lain bilong em i kam inap long em i painim lapun bilong em na em i dai pinis.

Na i no gat wanpela pikinini man blong em. Olsem na 3-pela pikinini meri bilong em ol i kisim em i go na planim em klostu long papa long matmat.

Na ol i mekim toktok long ol lain manmeri long dispela i pinis olgeta, na ol birua i kam bagarapim dispela ples, na i pinis. I no gat manmeri moa. Ples nating i stap.

Timoti Wangdul, Rintebe/Goroka

Ansa bilong Wod Pilai isu 2206

PAINIM WOD PILAI

Ol wod lista:

UTUN
GITA
WAIA
HOBEL
WANPES
KAPSAIT
YAU

LONGPELA
ASET
MUSIK
BIKJAS
NUS
DOLA
OVA

HIVAP
PAUN
KATEKIS
REDIM
MAISEL
SENKELBOI
PANIMAN

APIM
STRING
BOGEN
TAITPELA
DAINAMAIT

ODGRSUPYCD BQT TORWECROMGGO
LEEFMTZKRMAISELOCSACMJE OI
GESDUUUWXOACKJOAOEEKTZCEO
BIIDANSASA SGYOJS PFHNPJWSAA
CLDPYIEIPNNFAIAZGRXHEOSNH
ZPEYAUNAKUPLKADSXZEA VSEHD
EEGDYNKAALEERETGYE IUABLFH
MLHTOGEPMP TJSAQLAOAUTOLMK
AETENGLAGAA NHOFIJNOEQKRJE
SLIIEENBNKV IHANIMHLYMIFOOE
NHRNADOIOFTTVYRRSNASJHDEF
UTXYALIMDRPTJGPHEOEMRPZKI
SMEEGITAXOEQMASH ELFSDWOP
TOIPTNLNQSLDHP LNODCESJRNF
AISDS EVSAHA AIIMMSMHPETLPN
EELKBE EZGTNMVMMZ CNPU EFVCE
SEIOOAEKGXCEALDKDOEUC EMGA
BRHZGCJSQS JG P SPTPFETZER RQ
ONU YEEINJZEAFOASAEJGQLTOE
AALGNEUZSEZERES EHE TLECAPR

TAEASQAANRASDENIRIERXEENH
AGZETWEHTPOCIRXEPNEJSGGGG
EENVEUQIOIALXPEIONNCOQTAC
RHBEQEJCARTESOI OINLSOJETH
HSVZPOCSSOTRTDSNMTDAEOSPD
WKTNHSAEBEAEDEHAQGYRSTKNJE
OCFMNF OENROOHDSABO OASAI LE
ELOEEMXDPLSHAGBOEEPVTETPT
PTWUMTKKIOAERRMIDWBZAXLOA
CHPDSGAEZNRDPIIGSLFAITRRFJ
YYIMANOLUGAETNAAHATNICIHH
WFESAXWQCUPURPLZ WISAMEAMB
SFWIGODTSOASAEAZAF EIIATOT
PLNTGEUJFMHHP LRSINBNMOKBN
DASEOIEIAWEO SAPITIASONRQEP
FULVMEHKGTLDLAPAMNYISMITD
LSXDNKTDC EOGHCVALGDSMFKAG
SJLXLORTYTAHWEKHPVA DJOLQ
ZTGOVKUAZGTERTAIAAOIAMCD
SHTRACRORUJUUCTEAI FTLGSSE P



Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Nu Silan em i ples bilong guria ...2016 holim rekot

NU Silan em wanpela kantri long wol i save kisim planti guria.
 Las yia i bin rekot yia bilong Nu Silan long wanem, kantri i bin rekotim 32,828 guria olgeta.
 I bin gat 80,000 graun i

bruk, tupela sunami na wanpela maunten paia.
 Yia 2011 tu i bin holim rekot we bikpela guria tru long Christchurch i bin kilim dai planti handet pipel. Yia 2011 i bin rekotim 29,000 guria.

Enti teroris polis holim wanpela man long Sydney ples balus

Ol anti teroris polis long Australia i sasim wanpela man long wokim ol tok bilong kamapim bagarap egensim ol Nu Yia selebren long Sydney, Australia.
 Polis i bin holim wanpela

man i gat 40 krismas long Sydney ples balus bihain tasol em i kamap long hap long London.
 Ol ripot i tok man i bin wokim ol toktok long kamapim bagarap long sosel midia.

Nogat kliapela stori yet long paitim Manus asailam sika

TRUPELA o kliapela stori i no kamap yet long tupela asailam sika long Manus Provins we ripot i kamap olsem polis i bin paitim ol nogut na holim ol long Nu Yia.
 Ol ripot i tok polis i bin holim passim na putim ol long polis sel long 36 awa pastaim ol i bin larim ol i go long klinik long Manus

ditensen senta.
 Ol ripot i tok tupelo i bin tokim ol arapela poroman bilong ol long ditensen senta olsem samting olsem 10-pela polis man i bin paitim ol bihain ol PNG Imigresen opisa i bin stopim ol tai mol i laik go long taun.
 Ol ripot i tok tupela man i bin spak na wokim nabaut na olsem ol i bin holim ol.

Wari long ol trabel bilong ol setelmen yut

POLIS long Pot Mosbi nau i wok long apim wok blong ol long lukim olsem pipel long siti i amamas long krismas long gutpela pasin na nogat ol trabel i kamap long ol.
 Dispela i bin bihainim ol bikhet pasin ol yut i wok long mekim i go long pipel husat i go bung long ol Krismas lait long Jack Pidik Park na Five-Mile long Pot Mosbi.
 NCD Polis Suprintenden, Ben Turi, i tok ol yut i stap klostu long ol setelmen i

wok long stap insait long ol dispela bikhet pasin.
 Em i askim ol dispela yut i mas traim nau long sensim pasin blong ol na larim pipel bilong siti i amamas gut long taim bilong krismas.
 Bikos long ol dispela pasin, Suprintenden Turi i tok namba bilong ol opisa bilong em bai igo antap wantaim tu ol sekyuriti opisa bilong Nesanel Kapitel Distrik na riseve polis long stap insait long ol wok paitim.



Ples Hanuabada long Pot Mosbi.

Ol meri i tok tenkyu long PNG gender-based nesanel strateji

PLANTI handed meri we i makim ol kain kain grup bilong ol meri i bin holim wanpela kibung long Pot Mosbi long tok tenkyu long gavman i kamapim wanpela nesanel strateji o rot bilong kantri long sait bilong jenda beis vailens.
 Pastaim, as tingting long dispela kibung em long protes o autim belkros long wanem, gavman i no hariap long kamapim wanpela nesanel strateji long sait long ol kain kain hevi we ol meri na pikinini i save bungim.
 Tasol gavman i abrusim dispela protes bihain long em i oraitim wanpela ne-

senel strateji long jenda beis vailena na ol meri i tanim dispela protes i go long tok tenkyu long gavman.

Niusmeri blong ABC long Port Moresby, Joy Kisselpar i tok ol lida we i toktok long dispela kibung i autim wari

bilong ol long sait long ol kain kain hevi we ol meri na pikinini i save bungim long Pot Mosbi.



Wei long daunim pasin nogut insait long PNG Polis Fos

DIVISIENEL Komanda insait long Nesanel Kapitel Distrik na Sentrel, Assisten Komisina, Sylvester Kalaut, i tok ol pasin nogut we i save stap insait long PNG Polis Fos bai go daun sapos ol i mekim gut moa long sait long rikrutmen bilong ol nupela opisa.
 Em i tok dispela i mini ol i mas putim dispela wok long rikruitim na glasim ol nupela polis opisa long han bilong ol praivet bisnis lain we i gat gutpela nem pinis long wokim dispela kain wok.
 ACP Kalaut i bin autim dispela tingting bilong en long bikpela polis konprens las wik long Kimbe West Nu Britain Provins.

Em i tok nem bilong polis fos blong PNG i bagarap long wanem, sistem we i stap nau i no glasim gut ol

aplikesen na i larim sampela man-meri we i no fit long kamap polis opisa.
 Mista Kalaut i tok em bai

gutpela long rikrutmen wok i ikisim tu ol saik tes long glasim gut pasin na tingting bilong ol husat i aplai.



Sampela polis opisa bilong PNG.

Wari long Makira long dai bihainim guria

OL atoriti long Makira Ulawa Provins long Solomon Ailan i wari long helt ana sindaun bilong ol pipel we i stap long winim 120 haus i bin pundaun bihain long bikpela guria long las wik.
 Dispela guria i gat strong long mak bilong 7.8 hevi i bin kamap long saut sait bilong Makira Ailan - na narpela long Sarere i bin gat strong long mak bilong 7.
 Siaman bilong Makira Ulawa Disasta Komiti husat tu i Provinsel Seketeri, James Tae-

buri i tok ol i amamas olsem no gat man i o kisim bagarap.
 Tasol Mista Taeburi ol i wari long ol lain we guria, graun bruk na wanpela liklik sunami i bin pondaunim ol haus bilong ol.
 Em i tok ol pipel i wari lonmg wara bilong dring, tasol i gutpela nau olsem wanpela patrol sip i karim mmasin bilong klim wara long givim ol pipel long en.
 Mista Taeburi i tokim ripota Sam Seke olsem, bikpela samting nau long

provinsel disasta komiti em long wokim asesmen ripot

bilong ol bagarap long dispela bikpela guria.



2014 asesmen bilong Tropical Cyclone Ita long Makira, long ol bagarap.

Maining na petroleum gat moa salens stap yet – PNGCMP

James G. Kila i raitim

PLANTI bikipela salens i bin bungim PNG risos sekta long maining na petroleum long dispela yia 2016, na dispela ol hevi i no pinis yet tasol i gat bilip olsem sampela gutpela samting bai kamap klostu taim long neks yia (2017) na ol yia i kam bihain liklik.

Presiden bilong PNG Semba ov Mains na Petroleum, Gereia Aopi i tokaut long dispela long bikipela PNG Maining na Petroleum Konferens we i bin kamap long Sidni, Australia long las tupela wik antap.

Dispela stetmen o ripot Mista Aopi i givim i

samting olsem sevenpela mun. Narapela hevi tu i bin kamap long Porgera gol main we i lukim bikipela graun bruk i kamap na givim hevi long kampani long kisim ol guds na sevises na spea pats bilong en.

Mista Aopi i tokaut tu olsem wanpela nikel maining projek long PNG em Ramu NiCo Projek long Madang i bin stopim wok bilong en samting olsem tripela mun bihain long wanpela wokman bilong en bilong Saina i bin dai taim wanpela paip i bruk na painim em.

Em i tokaut olsem hevi bilong El Nino i orait pinis, tasol prais bilong ol ko-

Mineral Risoses Atoriti (MRA) i tokaut olsem em i stap redi long mekim wok bilong en bihain long salens Gavman i givim long bringim go antap dabol mak bilong revenu o mani PNG save kisim long mineral risos sekta long yia 2030.

Tupela kampani kisim SML laisens

Gutpela stori long maining sekta long dispela yia (2016) em taim tupela kampani i kisim spesel maining laisens long gavman long kirapim wok bilong ol.

Dispela SML we gavman i bin givim long dispela yia em long Wafi-Golpu Projek long Morobe provins na Frieda Riva kopa/gold projek long Wes Sepik provins. Tupela kampani i bin kisim SML laisens bilong ol long mun Jun, 2016.

Wafi-Golpu Projek long Morobe provins em bikipela maining kampani bilong Saut Afrika ol i kolim Harmony i go pas long en wantaim narapela join-vensa patna bilong en Newcrest Maining bilong Australia.

Frieda Riva Projek long Wes Sepik em divelopa bilong en em PanAust, wanpela bikipela maining kampani bilong China na Australia i stap olsem join vensa patna.

Tupela projek bai statim ol wok konstraksen na ol arapela divelopmen stat long neks yia 2017, tasol lukluk bilong ol divelopa em olsem bikipela salens tru bai bungim ol.

Menesing Dairekta bilong PanAust, Fred Hess i bin tokaut olsem Frieda Riva projek bai bungim bikipela salens tru.



Mista Hess i tokaut long ol dispela hevi o salens risos kampani PanAust bai glasim pastaim bipo em go insait long fainel disisen bilong en long divelopim Frieda Riva Projek.

Mista Hess i tokaut long konferens olsem ol salens em divelopa bai bungim em sait long envairomen (bus, graun na wara), infrastraksa, prais bilong mineral kopa long wol maket na ol lo na polisi we i go wantaim envairomen.

"Taim dispela ol wok i pinis, mipela i ken sindaun na lukluk long wanem kain envairomen mipela i ken mekim invesmen disisen, na tu bai i gat sampela ol kondisen em mipela i mas stretim pastaim long mipela i kamap wantaim invesmen disisen bilong mipela," Mista Hess i tok.

PanAust i kontrolim 80 pesen bilong Frieda Riva Projek, na Hailans Pasifik Limited (HPL) i gat 20 pesen sea. Tasol wankain olsem ol arapela maining projek insait long kantri, PNG gavman i ken gat sans long baim 30 pesen sea long projek bihain long em i givim spesel maining lis (SML).

Gavman givim salens long maining sekta

MRA Eksekutiv Menesa Jiloljokol Sevei Divisen, Nathan Mosusu i bin tokaut gavman i bin givim bikipela salens tru long maining sekta aninit long MRA long dabolim mak bilong mani maining save bringim long kantri i go antap.

Mak bilong mani o revenu mineral risos sekta i bin bringim kantri namel long 2013 na 2016 em K8.15 bilien. Insait long Midium Divel-

opmen plen bilong Gavman long 2010, em salensim maining indastri long kamapim dabol mak long mani i kam long mineral risos sekta long yia 2030.

Long wok hat long go kamap long dispela, MRA Jiloljokol Sevei Divisen i kamap wantaim sampela wok painim aut sevei long ol eria long kantri pinis. As tingting bilong dispela ol sevei o wok program em long kamapim apeidit o save long wanem ol eria long kantri em ol mineral i stap na wok bilong kisim data o ripot i ken kamap na dispela bai sapatim wok eksplorasen long kirap.

Mista Mosusu i tokim konpresen olsem ol data we divisen bilong em long MRA i kisim bai helpim stret ol lain husat i laik invest long mineral sekta long PNG long luksave na kam insait na wokim bisnis.

PNG LNG sekta ripot

Divelopa na kampani i go pas long prodaksen bilong namba wan likwifait net-sural ges (LNG) long PNG, ExxonMobil i tokaut olsem klostu taim nau em bai wokim kamap prodaksen mak bilong en olsem 7.9 milien metric tan LNG kago bilong en long 2016.

Menesing Dairekta bilong ExxonMobil (PNG), Andrew Barry i tokaut long dispela long namba 14 Maining na Petroleum Konpresen long Sydney, Australia las wik i go pinis.

Mista Barry i tokaut olsem dispela gutpela prodaksen mak bilong 2016 i kamap bikos long bikipela wok stret ol lain wokman na kampani i wokim long bringim projek i go kamapim prodaksen stat long 2014 i kam olsem.

Mista Barry i tokim moa long wan tausen ol bisnis lain na lain i makim PNG gavman

na ovasis investa long Sidni olsem PNG LNG bai lukim moa divelopmen i kamap we bai givim planti helpim i go long ol stekholda o lain husat i stap sapatim projek.

Em i tokaut tu olsem long taim prodaksen i bin stat kampani i bin salim moa long 250 LNG kago bilong en igo long ol kastoma bilong en insait long Asia-Pasifik. Olsem na long dispela yia ol i redi pinis long kamap wantaim mak olsem 7.9 million metric tan.

"Mipela save olsem ol bikipela prodaksen masin bilong mipela i ken mekim planti wok na i ken kamapim 8 milien metric tan (MMT), we em namba antap long pastaim mak mipela i putim, na dispela e, 16 pesen moa long pastaim disain o mak bilong prodaksen," Mista Barry i tok.

Mista Barry i tokaut olsem ExxonMobil wantaim ol divelopmen patna bilong en i karimaut wanpela hatpela na bikipela teknikal salens wok stret long wokim kamap dispela projek. Dispela em bikos ol i bringim LNG kamaut long bikbus, maunten na planti ples nogut stret.

Tasol, Mista Barry i tokaut olsem wanpela samting i sanap ples klia tru em teknikal wok enjiniering wok we i bin kamap we i lukim ol i wokim kamap 700 kilomita ges paip plain stat long Hides we i kalapim planti maunten em mak olsem 2,700 mita, ples nogut, veli na ol riva na i go daun long nambis long redim long rifaineri na salim go ovasis.

Mista Barry i tok olsem Kampani i wok strong long putim invesmen o mani long strongim PNG na i wok bung wantaim gavman long kamapim gutpela sindaun bilong ol pipel bilong PNG na bringim kamap gutpela divelopmen.



karamapim tupela bikipela risos sekta long kantri PNG we i save bringim moa mani tru long sapatim na strongim ikonomi bilong kantri na wok bilong PNG gavman long bringim kamap ol sevis long sevim ol pipel na gavman dipatmen.

Ripot Mista Aopi i givim em tru bikos kain kain ol hevi i bin bungim PNG maining na petroleum sekta insait long las tupela yia we i lukim wol maket prais bilong ol bikipela komoditi i pundaun, ol net-sural disasta hevi i kamap na tu rifom o senis i laik kamap long risos sekta.

Bikipela hevi bilong El Nino, ol longpela taim bilong san na ples i drai i givim bikipela hevi long Ok Tedi Maining, we i lukim kampani i stopim wok inap

moditi ol bikipela samting kantri i save salim go aut i stap daunbilo yet.

Tasol, Mista Aopi i gat strongpela bilip olsem prais bilong ol komoditi i ken senisim taim no gat man i bilip long en, na dispela bai kisim sampela taim pastaim long ol indastri i lukim komoditi prais i go antap.

Mista Aopi, i tok wanem ol senis Gavman laik mekim long risos sekta i mas orait long pulim moa invesmen i kam insait long PNG, na dispela ol senis o rifom i mas go wantaim ol intanesenel lo we i karamapim divelopmen bilong ol projek we nau i operet long kantri na tu bai bringim arapela nupela invesmen.

Atoriti husat i go pas long mineral o maining sekta,



Ol top pilaia i gat bikpela wok long mekim



Het kosa bilong ol Warrior, Stephen Kearney, i lukluk long bringim ol Warrior i go insait long premiasip resis.

OL kosa o pilaia i gat taim long bungim top ples long klap bilong ol. NRL Telestra Premia sisen long dispela yia bai lukim ol 10-pela man husat i bungim sampela mak long wan wan wok bilong ol. Prop bilong ol Not Kwinlan Cowboy, Scott Bolton, i bin pilai 200 gem pinis long las sisen. Bolton i lukluk long karim hevi bilong ol Cowboy long 2017 bihain long Ben Hannant i malolo long pilai na James Tamou i joinim ol Panther.

Ol Titan i lukluk long Jarryd Hayne i ken go pas bikos em i bin pilai 6-pela fainal gem bilong ol Titans long las sisen. Corey Parker i bin pilai 16 yia bilong ol Broncos na em i opim dua bilong Josh McGuire long kisim wanpela moa lekmak long Broncos. Em bai kisim ples bilong Parker long dispela sisen.

Blake Green i bin joinim ol Sea Eagles i bin opim dua bi-

long Daly Cherry-Evans long strongim em yet long kamap strongimpela namba wan pilaia. Nau, Green bai mekim Cherry-Evans long kamap namba wan pilaia.

Robbie Farah bai kisim ples bilong Issac Luke, husat i joinim ol Warrior, na go pas long ol Rabbitohs.

Ben Barba i lusim Cronulla i opim dua bilong Valentine Holmes o Jack Bird long kamap fulbek. Tupela pilaia wantaim i gat gutpela kala long kamap fulbek.

Gareth Widdop i lukluk long go pas long ol Dragons na Mitchell Pearce i lukluk long go pas long ol Rooster.

Corey Norman, husat i save pilaia namba 6 bai kisim ples bilong Kieran Foran na pilai hapbek.

Kosa bilong ol Warrior, Stephen Kearney, i lukluk long tanim ol Nu Silan long kamap namba wan tim long wol long traिम resis.

Vietnam i winim ples long Wol Kap resis

NAMBA tu taim bilong ol Vietnam long kamap kwalifai long FIFA Wol Kap resis.

Long yia i go, ol Vietnam i bin pinisim long top 4 long Februeri 2016 AFC Futsal Sempionsip long bungim 2016 FIFA Futsal Wol Kap long Kolombia. Na ol i go het na kwalifai long FIFA Anda 20 Wol Kap bai kamap long Korea Ripablik long yia i kam, bihain long ol i bin daunim ol Bahrain.

Presiden bilong ol Vietnam Futbol Federesen (VFF) i amamas na i tok, "Disepal em i soim wok bilong VFF long promotim gem long level we AFC na FIFA i save laikim long en. Mipela i kwalifai long tupela FIFA tona-



Ol Vietnam i bin amamas long ol i bin kwalifai long FIFA Anda 20 Wol Kap.

men i soim olsem mipela i mekim gut long gem."

Ol i bin kwalifai tu long Anda 16 na Anda 23 AFC

Esian Sempionsip.

Jenerel Seketeri bilong VFF, Le Hoai, i tok, "Mipela bai traिम long helpim ol

yangpela pilaia bilong mipela long bungim fainal bilong Esia na Anda 20 long pilai gut long Wol Kap."

Guardiola i winim mak long stap kosa

HET kosa bilong Manchester City, Pep Guardiola, i tok em i kam kamap long mak long wok bilong em olsem kosa na em bai no inap long kamap kosa gen taim em i bungim 65 krismas.

Man Spein i bin stap pas long Barcelona na Bayern Munich bipo long kisim ples bilong Manuel Pellegrini long Citi long las sama.

"Mi bai stap long Manchester insait long tripela sisen o moa," Guardiola i bin tokim NBC taim em i winim 45 krismas bipo long tim bilong em i daunim ol Burnley, 2-1.

"Mi bai no inap long stap antap long bens inap taim



Pep Guardiola, i tokaut long em bai pinis long wok bilong em olsem kosa bilong ol Manchester City.

mi bungim 60 o 65 krismas. Mi pilim olsem taim bilong mi long tok gut bai i stat nau."

Guardiola i bin winim 14 tropi insait long 4-pela yia long Barcelona wantaim tripela La Liga taitel na tu-

pela Sempion Lig. Em i tok, "Mi stap long pinis bilong wok bilong mi olsem kosa."

Federer i daunim Evans

ROGER Federer i bin kam bek bihain long em i orait gen long em i bin kisim bagarap na daunim Dan Evens, 63 64, taim Switland i daunim Gret Briten, 3-0, long Hopman Kap.

Federer i bin mekim gut

long namba tri resis bilong ol Briten bihain long em i no bin pilai insait long 6-pela mun bikos em i bin kisim bagarap long skru bilong em.

Hopman Kap ol i bin pilai long Perth, Australia, i gat

tupela singel resis na wanpela miks dabol resis namel long ol kantri. Foapela tim insait long tupela grup i bin pilai olsem raun robin resis.

Frans i daunim Jemeni long wanpela resis bilong Grup A.



Roger Federer i bin kisim namba 16 ples long wol renking.

Wehrlein i kisim ples long Fomula 1 resis

PASCAL Wehrlein bilong Mercedes i bin kisim ples long Sauber Fomula 1 resis long dispela yia na ol i tokaut olsem em i kisim ples bilong Rosberg long Mercedes.

Mercedes i tok orait long ol toktok bilong Sauber na kisim Wehrlein olsem junia draiva bilong ol.

Ol fainal toktok bilong kontrak em ol bai tokaut bihain.

Wehrlein na Bottas i bi kamap kwiktait long resis long kisim ples bilong namba wan draiva, Rosberg, bihain em i risain long wol kap sempionsip.

Mercedes i lukluk long kisim Bottas, tasol Grove tim bilong em i no lusim em. Lainap bilong F1 draiva long 2017 em

- Mercedes:** Lewis Hamilton, Valtteri Bottas
- Red Bull:** Daniel Ricciardo,



Pascal Wehrlein i tok orait long joinim Sauber long 2017 Fomula 1 sisen.

- Max Varstappen**
- Ferrari:** Sebastian Vettel, Kimi Raikkonen
- Force India:** Sergio Perez, Esteban Ocon
- Williams:** Felipe Massa, Lance Stroll
- McLaren:** Fernando Alonso, Stoffel Vandoorne

- Toro Rosso:** Carlos Sainz Jr, Daniil Kvyat
- Haas:** Romain Grosjean, Kevin Magnussen
- Renault:** Nico Hulkenberg, Jolyon Palmer
- Sauber:** Pascal Wehrlein, Marcus Ericsson
- Monar:** tba, tba



Vais Presiden bilong Ramu NiCo, Wang Baowen i tok tenkyu long wok sapot bilong ol papagraun.



Siaman bilong Maigari, Peter Tai i tok ol papagraun i stap sambai long sapotim Ramu NiCo dispela yia.

Ramu NiCo na papagraun bai wok bung long 2017



Ol papagraun na menesmen bilong Ramu NiCo i kisim piksa wantaim na soim wokbung tingting bilong ol.

OL papagraun bilong Ramu nikel projek insait long Madang provins start long Kurumbukari Main insait long Usino-Bundi distrik igo long Basamuk Rifaineri insait long Raikos distrik i amamas long wok bung wantaim Ramu NiCo long yia 2017 na lukim dispela nikel na kobalt projek i kamap bikpela.

Long wankain taim, Ramu NiCo Menesmen i tok bikpela tenkyu tru igo long ol papagraun bilong projek na ol lida man olsem siaman bilong ol asosiesin long sapotim Ramu Nikel long bipo i kam inap tude long prodaksen taim.

Ol papagraun na lidaman bilong ol wantaim ol 4-pela asosiesin siaman i tok tenkyu tru long Ramu NiCo menesmen long kisim dispela projek i kam inap tude maski i gat planti salens na ol i wanbel long sapotim dispela projek we ol i bilip bai kamapim planti gutpela senis insait long komyuniti na laip bilong ol wan wan.

Long krismas pati las yia

Desemba 21 we Ramu NiCo i kamapim bilong ol Lendona Asosiesen, Siaman na eksekutiv wantaim ol lida man bilong papagraun, Vais President bilong Ramu NiCo, Mista Wang Baowen i tok Ramu NiCo Menesmen i hamamas na tok bikpela tenkyu long ol papagraun long wok bung wantaim na askim ol long surukim wankain wok bung long dispela yia 2017.

Mista Wang i tok Ramu NiCo i bin bungim planti salens long las yia olsem MCC-Grup askim Ramu NiCo long katim daun kos, daunim na fixim ol teknikel hevi na kamapim prodaksen i go antap na gutpela na tu prais bilong nikel i go daun i mekim Ramu NiCo ino mekim sampela profit mani.

"Maski mipela i no mekim profit, mipela i bin daunim sampela teknikal problem aninit long gutpela menesmen system na tete ol prodak i kamap gutpela ananit long gutpela prodaksen kost. Mipela bilip olsem

nikel prais i ken go antap na mipela i ken mekim sampela profit na givim benefit i go long ol papagraun,"

"Ol birua pasin long asples na tingting bilong ol papagraun long wok na bisnis em ol salens mipela bungim. Dispela i save kamap long ol narapela main na mipela save stret long tingting bilong ol papagraun bilong Ramu NiCo," Mista Wang i tok.

Peter Tai, Siaman bilong Maigari em makim maus bilong ol brata siamen bilong em long KBK (Tobby Bare), Basamuk (Sama Melambo), na Kostel Paiplain (Jeffrey Kinang) na tok tenkyu long Ramu NiCo long ol sapot na luksave bilong em i go long ol papagraun na tu i bin operet gut maski kampani bin bungim planti hevi.

Mista Tai i tok, ol papagraun i hamamas long wok bung wantaim Ramu NiCo na sapotim projek tasol em i tok Gavaman na Kampani i mas luksave long ol sampela isu we i stap yet long ol i mas stretim long ol papagraun i



Vais President, Wang Baowen i sikan wantaim Maigari LOA Siaman, Peter Tai.

ken benefit long Projek.

Siaman bilong Ramu NiCo ambrala kampani, Raibus Ltd, Steven Saud i makim maus bilong ol papagraun kampani na tok 2016 em bin wanpela nogut yia bilong wokim bisnis bikos long global bisnis envairomen i no bin gutpela we i bagarapim olgeta kampani na Ramu NiCo tu.

Tasol Mista Saud i tok tenkyu i go long Ramu NiCo i bin sanap strong las yia 2016 na kamapim planti luksave long sait bilong bisnis na wok we i bin benefitim ol papagraun na i bilip dispela yia bai gutpela liklik long ol bikpela luksave i ken kamap long sait bilong bisnis.

"Mipela makim maus bilong ol papagraun na mipela bai pait yet long kisim sampela benefit bilong ol papagraun na laik bai gavaman na kampani i mas luksave long wok bilong mipela na sapot," Mista Saud i toktok.

General Menesa bilong Komuniti Afes, Mista Martin Paining i tok Ramu NiCo pro-

jek em wanpela unik projek insait long kantri na i tokim ol papagraun long sapotim Ramu NiCo nai i go inap taim we ekenomi i gutpela na ol stekolda i ken benefit long dispela nikel projek.

Paining i tok ol papagraun i nidim dispela projek na hamamas long sapotim Ramu NiCo tasol ol i laikim gavaman na kampani long i mas givim sampela benefit i go long ol papagraun na wankain taim, Kampani i nidim dispela projek na i laik i mas ron gut na noken painim birua na i nidim sapot bilong ol papagraun na gavaman.

"Olsem na yumi i gat gutpela situesin long save gut long as tingting bilong projek na wanwan hevi bilong yumi na wok bung wantaim long lukim Ramu NiCo kamap wanpela gutpela projek insait long kantri," Mista Paining i tok.


Vais Presiden, Mr. Wang i tok Ramu NiCo i gat luksave ananit long Projek MOU na bai givim ol luksave na ben-

efit i go long ol papagraun maski i gat mani na teknikal problem na i askim ol papagraun na gavman i mas sapotim dispela projek long 2017 na ol yia antap.

"Yumi olgeta i gat wanpela rot na long ples bilong kamap aninit long Ramu NiCo Projek, em long kamapim moa investmen, kamapim moa sans long wok na bisnis, na kamapim sosaiti bilong yumi seif na gutpela,"

"Ramu NiCo menesmen i wok hat na amamas long kamapim Ramu nikel projek i kamap long 100% disain kapasiti bilong em ariap so kampani i ken mekim moa profit na givim moa benefit i go long ol papagraun na stekolda,"

"Taim yumi kamap long 2017, Ramu NiCo i gat bikpela bilip olsem wantaim wanpela tingting na bel, yumi olgeta i ken kamapim dispela projek i go bikpela ananit long gutpela menesmen na yumi olgeta i ken benefit long dispela projek klostu taim," Mista Wang i tok.



Bisnismen i sapotim Usino-Bundi yut spot

WANPELA bisnismen na lida long Usino-Bundi, Edward M. Kiza, i salensim olgeta yangpela laon long Usino-Bundi Distrik bilong Madang provins long pilai spot gut na na lukluk long kamap top spot man na mei long bihain taim.

Dispela em i olsem toktok bilong em long nupela yia long ol yangpela lain long distrik na Kiza i tok, spot em i painim rot bilong ol yangpela lain husat i no kisim sampela gutpela risal long ol fomal edukesen.

Long taim em i go lukim liguwe viles long wod 17 eria bilong Usino LLG long Madang Ramu Haiwe long Jenueri 1, Kiza i bungim ol lokal lida na ol yangpela husat i redi long kamapim dispela mini tonamen olsem volibal na soka long ol wik kam.

"Pilai guty na kamap strongpela spot man na meri. Yu mas amamas long

ol risal bilong resis bikos wanpela tasol bai winim resis," Kiza i tok.

Em i tok Usino-Bundi distrik em i wanpela distrik long Madang we em i no develop na planti ol yangpela lain i save stap bek long ples, tasol ol sans bilong pilai spot na mekim liklik bisnis em ol sampela rot we ol i ken lukluk long dispela na senisim laip stail bilong ol.

"Mipela bai no inap long tok olsem ol yangpela lain i no bin go long skul na stap bek long ples, nogat. Mipela i mas mekim sampela samting long helpim ol. Spot na bisnis em ol sampela ektiviti we mipela i ken lukluk long putim ol go insait," Kiza i tok.

"Yupela i stap long bikpela haiwe na yupela i laki lain long ol narapela yangpela insait long Usino-Bundi distrik. Yupela bai kamap namba wan spot lain long distrik, provins na long kantri."



Bisnismen long Bundi, Edward M. Kiza, putim kep i bungim ol lida na yangpela pipel long liguwe viles.

Ramu Suga taun i pilai long Tamane Krismas 9s tonamen

James G. Kila i raitim

RAMU Suga taun komyuniti long Gusap, Madang provins i amamasim Krismas wantaim gutpela spirit bilong bung na pilai wantaim ol manmeri i pilai long Tamane Krismas 9s ragbi lig resis.

Dispela Krismas tonamen i stat long Desemba 24 na bai pinis long Janueri 24, 2017, na em i olsem wanpela mun spot resis.

Dispela ragbi lig resis em bilong ol man na meri na as tingting bilong en em long promotim spot namel long ol man na meri long Usino, Bundi na Gama LLG.

Tamana 9s Tonamen Kodineta, Andrew Sam, i tok olsem dispela tonamen em wantaim komiti bilong em i redim em long promotim pasin bilong bung wantaim na amamasim Krismas wantaim bel isi, rispek na pasin bilong laikim insait long komyuniti.

"Mipela laik promotim pasin bilong veliu na prensip namel long ol manmeri," Sam i tok.

Tamane 9s meja spon



Meja spona bilong Tamane 9s Krismas tonamen long Ramu Suga taun, Edward Kiza, em i menesing dairekta bilong Tamane Lods husat i sanap long lephan na givim setifiket long wanpela mama bilong Sumao-Garia bihain long wanpela bisnis trening. Foto: James G. Kila

em Edward Kiza, husat i wanpela lokal bisnismen bilong Usino-Bundi na menesing dairekta bilong Tamane Lods long Madang taun.

Sam i tokaut tu olsem dispela 9s kompetisen i gat sampela strongpela as tingting we go wantaim wok bilong painim ol gutpela hait ragbi lig spot man na meri long rurel LLG long Usino-Bundi, na rot long luksave na kisim ol gutpela man o meri long makim Ramu Crushers ragbi lig tim.

Sam i tok tu olsem wanpela as tingting long ranim dispela tonamen em long promotim ragbi lig resis bilong ol meri na luksave long ol meri olsem ol i wankain patna long spot na developmen insait long sosaiti.

Em i tok tu olsem dispela tonamen bai promotim pasin bilong bung wantaim namel long ol komyuniti bilong Usino, Bundi na Gama LLG, na long promotim Ramu olsem ples bilong bel isi.

Yia bung bilong PNGRFL bai kamap long Februeri



Siaman bilong PNGRFL, Sandis Tsaka, i sindaun long rait, long taim ol i bin toktok long makim taim bilong 2016 AGM.

ANUAL Jenerel Miting (AGM) bilong Papua Niugin Ragbi Lig (PNGRFL) i ken kamap long 2016 em ol i bin skruim i kam long dispela yia we em bai kamap long Febueri 25.

Siaman bilong PNGRFL, Sandis Tsaka, i tok dispela em ol bai kamapim ileksen long AGM bikos taim bilong ol bod em pinis long yia i go.

"AGM i save kamap long Lae long Melenesien Hotel, tasol nupela hap long bung em ol i no tokaut yet.

"Ol notis bilong AGM na ol narapela tok save bai kamap long Janueri 27," Tsaka i tok.

Na tu, Tsaka i bin tok aut long posisen bilong het kosa bilong nesanel ragbi lig sait bilong ol meri long wik i go.

Ol Raggianas bai resis long Ragbi Lig Wol Kap 2017.

Ol i lukluk long makim wanpela kosa bilong ol meri bipo long pinis bilong mun i kam.

Gavana's Kap presentesen bai kamap long Fraide

PRESENTESEN bilong Nesenel Kapital Distrik Krismas Kap resis bilong Gavana bai kamap long Fraide long Kone Tigers pilai graun long Waigani, Pot Mosbi.

Kodineta bilong Tonamen, Sengelo Skonga, i tok olsem tonamen i bin kam kamap long mak long Mande bihain long opis bilong Gavana i givim tok orait long skruim fainal bilong resis.

Ol Erima Wanderers i bin daunim ol Ex Rocks, 6-4, na

winim kap fainal. Long plet divisen, ol 54 Bears i daunim ol Megusa Brothers, 16-8. Ol Freeway Bumpers i bin daunim ol lalibu Hawks, 16-2, long bowl divisen.

Skonga i tok, presentesen bai stat long 1 klok apinun.

"Mipela bai givim ol mani prais na ol narapela prais long olgeta divisen long mekim ol i amamas," Skonga i tok.

Ol i yusim mani mak long K50,000 long givim prais na ranim tonamen.



Nesenel Kapital Distrik Gavana's Krismas Kap resis i bin kamap long las wik long Kone Tigers pilai graun.

Ol abi tokaut long Hunters skwat tumora

Fainal skwat bilong ol Papua Niugini SP Hunters long 2017 sisen bilong Intras Supa Kap resis em ol bai tokaut tumora.

Ol 33 man skwat i bin lainap long Pot Mosbi long statim prisisen trening long Mande, bihain long ol i bin kam bek long Krismas na Nu Yia malolo.

Kosa bilong SP Hunters, Michael Marum, bai tokaut long 28 man skwat long Nesenel Futbol Stediam long 4.30 apinun bihain

long trening.

Ol Hunter bai pilai namba wan gem bilong dispela sisen egensim ol Sentrel Kwinslan Capras long Sarere, Mas 4, long 6 klok apinun long Browne Pak pilai graun, Australia.

Namba wan asples gem bilong ol bai kamap bihain long namba wan gem bilong ol. Dispela gem bai kamap long Nesenel Futbol Stediam egensim ol Easts Tigers long 3 klok apinun long Sande, Mas 12.

Ol bai statim Bang 36 tumora

NAMBA wan Not Is Bang 36 nains (9s) tonamen resis em ol bai statim tumora, Fonde, long Nesenel Kapital Distrik.

Kodineta, John Mauve, i tok, 26 tim i strongim olsem ol i redi long resis long tonamen, we ol bai pilai long Januəri 5 i

go inap long Jenuəri 8.

Ol tim long olgeta ilek-toret long Pot Mosbi bai resis long tonamen.

"Mipela i gat 6-pela moa spes i stap yet na ol sampela tim i ken kisim ol dispela spes, na Rejisresen em i

K400 long wan wan tim," Mauve i tok.

Ol i bin tokaut long dispela tonamen long las wiken long Spot Inn na ol i bin putim K20,000 prais mani bilong ol man long Kap, Plet na Bowl divison.



Ol Hunters i bin mekim laspela toktok bipo long pilai long resis bilong sisen i go.

Ol opisa bilong etletik i go bek bihain long ol i vot

OL namba wan opisa bilong Etletik PNG em Tony Green i kisim presiden, Philip Rehder em i seketeri na Gordon Kapak em i vais-presiden. Ol i bin kisim ol dispela ples gen bihain long ol i bin vot long Anual Jenerel Miting (AGM) i bin kamap long Lae long Desemba 17.

Ol i bin makim olgeta opisa gen long bung wantaim ol komiti memba Sophia Marai na Philip Kamane. Nola Peni i bin kisim ples bilong Tresera, George Moramoro.

Tasol, ileksen bilong Bernard Manau olsem namba tri komiti memba i strongim olsem Is Nu Briten

i mas stap yet long meba bilong komiti.

Ol 9-pela bilong 14 afiliet i bin go stap long bung, wantaim 7-pela asosiet i salim ol deliket.

Ol deliket i tokaut long ol i no wanbel long Gavman i no luksave long dispela spot long yia i go, 2016 bikos Tim PNG i winim 22 bilong ol 44 gol medal long 2015 Pasifik Gems na putim PNG long ples klia.

Ol i bin harim sampela ripot olsem ol i bin stopim olgeta fanding bihain long ol Gems i pinis na planti ol yangpela etlit long ol ruel eria, we ol i bin lukim ol long stat bilong Gem i go inap

long pinis bilong Gem na soim gut kala bilong ol long yia i go, em ol i stap yet long wan wan viles bilong ol.

Ol dispela etlit em Karo lga bilong Sentrel, Bonaventure Polau bilong Manus na Timothy Maggie bilong Markham.

Presiden Grin i tok, 2016 em i wanpela hatpela yia na Etletik PNG (APNG) i bin wok hat long kisim bek planti bilong ol top etlit long spot.

Tasol, Green i tok PNG bai kisim bek posisen bilong em long 2017 olsem namba wan Pasifik Ailan kantri long etletik bikos APNG i no save painim hat long bihainim ol program.

Planti PNG i stap insat long man na meri skwat bilong EAP



Ol PNG pilaia husat i joinim EAP man skwat.

OL i kisim planti kriket pilaia bilong PNG long Is Esia Pasifik (EAP) man na meri kriket skwat long pilai long 2017 Australian Kriket Kantri Sempionsip long Wollongong.

Ol EAP skwat bilong ol man i gat 8-pela PNG intenesenel pilaia em Jason Kila, Dogodo Bau, Kipling Doriga, Hiri Hiri,

Nosaina Pokana, Pipi Raho, Alei Nao na Vagi Bogo.

Ol narapela pilaia em ol i bin kisim long ol pilaia bilong Fiji, Japan na Vanuatu. Na kosa bilong ol em i John Ovia, husat i bilong Papua Niugini tu.

Skwat bilong ol meri tu i gat 8-pela PNG pilaia em Helen Buruka, Sibona Lucy

Jimmy, Ravini Oa, Kopi John, Konio Oala, Tanya Ruma, Veru Kila Frank na Pauke Siaka em i kepten bilong ol.

Ol narapela pilaia em long Japan, Samoa na Vanuatu. Kosa bilong ol em Eddie Mansale na Bebe Miyaji.

Resis i bin stat long Tunde, Jenuəri 3 na bai pinis long Jenuəri 11.

LUKIM OL POTO BILONG OL BIKPELA PILAI I KAMAP LONG PNG LONG 2016



PNG vs New Zealand OFC fainal 2016



SP PNG Hunters vs Jets 2016



PNG PMs 13 VS Australia PMs 13 2016



Canada vs Japan Anda 20 Women Wol Kap POM 2016

BIKPELA WOK LIKLIK LUKSAVE: Ol Lokol potograpa bilong wan wan niuspepa na Sosel Midia long PNG i kisim poto bihain long bikpela wok ol mekim long Anda 20 Women Wol Kap we i bin kamap long Pot Mosbi long Novemba 2016. Dispela poto i soim ol pinisim olgeta wok bihain long Gren Fainel bilong FIFA Anda 20 Women namel long France na Not Korea.



Germany vs Korea Anda 20 Women Wol Kap POM 2016



DIANA White
Barbecue Flavour

WHITE TUNA insait **K 2.20**

Tasty and Flavourful White Tuna for Everyone!

Manufactured by: RD Tuna Cannery Ltd.

Bos bilong PNGRFL i lukluk long ol salens



Nupela CEO bilong Papua Niugini Ragbi Futbol Lig (PNGRFL), Reatau Rau.

NUPELA CEO bilong PNG Ragbi Futbal Lig (PNGRFL), Reatau Rau, i tok em i lukluk long ol salens i stap pas long en.

Rau em i tresera bilong PNGRFL long 2012 inap ol i bin makim em olsem CEO.

"Dispela bai kamap wanpela rot bilong amamas rot. Mi lukluk long bungim ol salens.

"Taim mi stap antap long bod long tripela yia i go olsem tresera, mi stap insait long ol i bin straksarim gen PNGRFL.

"Na tu, mi stap pas long fainens na odit komiti bilong PNGRFL, na long yia 2013 i kam inap nau, mipela i kamapim planti senis.

"Tasol, nau em i narapela kain wok long ranim dispela ogenaisesen na mi gat bikipela amamas long bungim ol nupela salens," Rau i tok.

Rau i tok moa olsem em i lukluk long wok bung wantaim PNGRFL tim.

"Olgeta papa bilong ol gem em ol pipel bilong PNG na olgeta lig long kantri, na mi laik wok wantaim ol.

"Mi bilong Papua Niugini na mi gat bikipela amamas olsem bod i luksave long aplikesen bilong mi. Mi lukim olsem planti ol man bilong kantri na

long ol narapela kantri husat i gat gupela ekspirien salim pas i kam long kisim dispela wok, tasol ol i makim mi na mi tok tenkyu long dispela," Rau i tok.

OL 4-pela ragbi lig konfederet long kantri i givim ful sapot long nupela CEO bilong PNGRFL.

"Long makim maus long konfederet bilong mi, mi gat bikipela amamas na tok tenkyu long Reatau Rau na mipela i lukluk long wok bung wantaim yu," Dairekta bilong Niugini Ailan Konfederet, Horta Boskey, i tok.

Dairekta bilong Noten Konfederet, Russ Kaupa, i tok, "Mi bin luksave long Reatau insait long 20 yia na moa, na long kisim dispela kain man em i save hat tru long painim. Mi no gat sampela askim long dispela bikos dispela kain man bai lukautim mipela gut."

Dairekta bilong Hailans Konfederet, Joe Tokam, i tok em i gat bikipela amamas na tok tenkyu long Reatau bikos ragbi lig i gro na mipela bai wok bung wantaim long bringim ragbi i kamap bikipela.

"Mipela i ting olsem dispela em i bikipela salens, na ol bod memba i stap long hia wantaim mipela bai sapotim yu long olgeta rot," Tokam i tok.

"Long makim maus bilong Sauten Konfederet na ol 22 afiliet, mipela i tok tenkyu na amamas long Reatau na em i ken wok gut long nupela posisen bilong em," Dairekta bilong Sauten Konfederet, Gwaibo Mairi, i tok.